

234/14
998

1914

398.7

U-58

2010

12002

ՀԱՐՄ.
2-5708 a

Խմբագրեց—կազմեց Գէորգ Սկանդարեանց

398.7

Ա-58

ՆՈՐ ԵՒ ՀԱՐՈՒՍՏ ≡

ԺՈՂՈՎՐԴԱԿԱՆ

≡ ԵՐԱԶԱՀԱՆ

ԲՈՒՆ ՀՆՅՈՑ ԵՒ ՀՌՈՄԱՅԵՑՈՑ ՏՈՄԱՐԻՑ

ԲՈՎԱՆԴԱԿՈՒԹԻՒՆ

1. Երազահան:
2. Լուսնի երազացոյց:
3. Իգնատիոսի մարմնախաղաց փորձերը:
4. Բաղդազուշակ այբուբենով:
5. Արիւն առնելու լաւ և վատ ժամանակը ըստ լուսնի ցուցման:
6. Չար աստղը:
7. Բժշկարան:
8. Օգտաւէտ գիտելիքներ և այլ հետաքրքիր նորութիւններ:



Թիֆլիս
Տպարան «Հ Ե Ր Մ Է Ս»
1914

hugh

տութիւն է և շահ: Ալիւրը շահ է և ոյժ, իսկ եթէ Ալիւրը ամանով տեսնես՝ մուրազին հասնել է: Ակնեղէն կամ թանկագին քարեր տեսնելը աղախին է և ծառայ: Ականջը՝ աղջիկ է կամ աչքալոյս: Աղուէսը եթէ փախչի, իր պարտքատէրը իրանից կը փախչի: Աղուէսի հետ կուելը, իր օգտին կուլ անել է: Աղուէսի հետ եթէ խաղաս՝ լաւ կնոջ հետ կը ծանօթանաս: Աղջիկ փոքր տեսնես՝ շատ շահ է և բարի է: Աղջիկ թէ ծոցումդ տեսնես—խնդութիւն է: Աղջիկ փոքր տեսնելը—շատ շահ և բարի: Աղջիկ երեխայ տեսնելը՝ ցնորք է և նեղութիւն: Ամեն աղջիկ և կին տեսնելը՝ լաւ է խնդութիւն և իր սրտի կամքը կը կատարւի: Աղբիւր եթէ բակիդ մէջ տեսնես՝ շահ է և շատ բաներից օգտելու նշան: Աղբիւրում լացելը լաւ է: Աղբիւրից ջուր բերելը վատ է: Աղբիւրից ջուր խմելը շնորհք է: Աղու Անանուխ տեսնելը բազր խօսք է և բարի: Աղ սև տեսնելը վատ խօսք է և տրամուծութիւն: Աղ կտրած տեսնես կուր կը խափանւի: Աղի ձուկը կսկիծ է և հոգս: Աղբը մարդու հարամ ոռճիկ է: Աղեղն՝ մեծ գրոյց է և բամբասանք: Աղեղնաւոր իրեն տեսնելը թշնամու լեզու է: Աղի թւ հանելը տուն շինել է և լաւ: Աղբատին ողորմութիւն տալը շահ է:

բարի և Աստուծանից պարգև է: Աղեկ հագուստ տեսնելը ուրախութիւն և շնորհք է: Ամանաթ վերցնելը և պահելը ուզողութիւն է: Ամբաստանել մէկին փաս է խիստ և վատ: Աբմաւը (խուրմայ) շատ բարի է և անուշ խօսք: Այծը ճանապարհ է: Այրւած հագուստը երկիւղ և մահւան փաս է: Անձրև տեսնելը բարի է: Անդաստանը—բարի ժամանակ է և վաստակ: Անասունը—հալալ ոռճիկ է: Անապատում նստելը—նեղութիւն է: Անուշ ուտելու ինչ որ էլ լինի լաւ է: Անուշահոտ բանը—լաւ է և հալալ ոռճիկ: Անկանիլ (ընկնել) գետը—կարողութիւնից զրկել և աղքատութեան նշան է: Աչքեր տեսնելը—մեծ հարստութիւն է: Աչքը մեծ ունենալը—կեանքի յաւելումն է: Աչք հանելը կինը կամ որդին կը մեռնի: Ապարանջանը նեղութիւն և հոգս է: Աբրեշումը լաւ է և շահ: Աբրեշումի որդը—գործ գրտնել է: Ապաշխարհողը—իւր հաւատքն է: Առիւծ տեսնելը—թագաւոր, իշխան և կամ մեծ մարդ է: Առիւծների կուրը թագաւորների կամ մեծ մարդկանց կուր է: Առիւծի հետ եթէ կուես մեծ մարդուց երկիւղ կը հասնի քեզ: Առիւծի վրայ նստելը—մեծութեան հասնել է: Առիւծից փախչելը և առիւծի ետևից չը գնալը—չարից ազատել է: Առիւծի դէմդ ելնելը, մեծ երկիւղ է: Առիւ-

ծի անամօթութիւնը տեսնես—թշնամինե-
րի յարձակել է այն երկրի վրայ: Առիւծի
միս ուտելը—թշնամուցդ բարիք դայ քեզ:
Առու տանդ մէջ տեսնելը գանձ է և
շահ: Ատամները—ազգերն են: Ատամների
թափելը—շատ գանձ գտնել է: Ատամը
առաջինն ընկնի—սգի կը հանդիպես:
Առաջին ատամներից հանելը տրտմութիւն է իսկ
եթէ վերինը—ազգական մեռնի: Եթէ առա-
մների մեծերը հանես—մօտաւոր ազգական
կը մեռնի: Ատամներ սրբելը—ուրիշի աշ-
խատանք ուտել է: Ատամներդ եթէ սկացած
տեսնես—հիւանդութիւն է: Արեգակ տես-
նելը—թագաւոր է: Արեգակը ձեռքումդ տես-
նես—մեծութիւն է: Սաւար արեգակ տես-
նելը—տեսնողի համար լաւ չէ: Արեգակին
իւր տեղը տեսնելը—թագաւոր տեսնել է:
Արեգակին երկնքից վայր ընկած տեսնելը—
նեղութիւն է կամ պայծառութիւն: Արե-
գակի և լուսնի միասին ընթանալը տես-
նես—թագաւորների կռիւ և հիւանդու-
թիւն է: Արեգակի և լուսնի իրարից հեռու
ընթանալը—երկրի բաժանումն է: Արծաթը
մաքուր տեսնես՝ հաւատք է: Արծաթը նեղու-
թիւն և ծանրութիւն է: Արմաւենին գաւակ
է և ուրախութիւն: Արիւն թափելը մեծ
փրաս է: Արիւն տեսնես, կամ արիւն առ-
նես—շնորհք է: Աղբիւր—մեծ մարդ է:

Արծւի վրայ նստելը—իշխանութեան հաս-
նել է: Արծւի հետ կուելը—մեծ մարդկանց
հետ կուել է: Արծիւը եթէ խփի—մեծ մար-
դուց փրաս կստանաս: Արմաւք հաւեր տես-
նելը—գեղեցիկ և շնորհալի կին է: Արջ
տեսնելը—տգէտ մարդու խօսք է և ամեն
վատ դազան տեսնելը—թշնամի է: Աւետա-
րան տեսնելը—հալալ մուրազ է: Աւազը որ
ձեռքդ առնես, կամ տեսնես—մեծ մարդուց
բան կստանաս: Աւազ երէց մեռած տեղից
կենդանացած տեսնելը—հին զրոյցը կը կեն-
դանանայ: Աւազակ տեսնես—կուից զգու-
շացիր: Աւազ քեզ տեսնես—բարի է և լաւ:
Աւազ տեսնելը—թշնամի յարձակելի երկրի
վրայ: Աւազ տեսնել կամ խօսել հետը—
շնորհք է և բարի: Այգին ծաղկած տեսնելը
—մեծ ուրախութիւն է:

Բ.

Բարձրանալ երազում—շահ է և բարի:
Բարձր տեղից վայր ընկնելը—մահւան փրաս
է: Բարձր աեղերի վրայ ման գալը—մեծու-
թեան հասնել է: Բարբառել և ալլ երաժշ-
տութեան ձայն լսելը—անուշ խօսք է: Բա-
րև տալը—կռիւ է: Բազմոց տեսնելը—որդի
է մեծութեան նշան և կամ լաւ մարդ:
Բազուկ մաքուր տեսնելը—օգուտի նշան է,
իսկ բազուկ կեղտոտ—ըզգուշացիր մեղքից:

Բաղանիքը—հոգս է: Բաղանիքից դուրս գալը—
 հոգսից ազատուել է: Բաղանիքում լւացւելը
 կամ մնալը մեծ նեղութիւն է: Բաղ տես-
 նելը—մեծ մարդ է: Բակ շինելը, կամ հիմք
 ձգելը բարձրութիւն է: Բահը լեզու է: Բամ-
 բակ տեսնելը—արգարութիւն է և սրբբու-
 թիւն: Բանջարը շահ է: Բանջարանոցը աւերւած
 տեսնես—լաւ չէ: Բևեռ ժողովելը—լեզու է:
 Բևեռն տեսնել—մեծ բարութիւն է: Բերդ
 որ տեսնես—թշնամիներդ առաջ կարգա-
 բանաս: Բերդ մտնելը—ամբողջութիւն է և
 պարիսպ: Բերդ աւերելը—նեղութիւնից ա-
 զատուել է: Բերանը—ձեռնադրութիւն է:
 Բերանի լւանալը կամ ցամաքելը—ոռճիկ
 է: Բեր (ձեռնափայտ) տեսնելը կամ առ-
 նելը—եղբայր կամ որդի է: Բլուր տեսնելը
 —շինութիւն է և խաղաղութիւն: Բուն—նե-
 դութիւն է: Բուրվառ առնելը կամ շարժելը
 —լաւ չէ, կռիւ է: Բուրդ սպիտակ տեսնել
 կամ առնել—մեծ առողջութիւն, հալալ ոռ-
 ճիկ և շահ է: Բուրդ սև—սուգ է և լաց:
 Բոբիկ իրեն տեսնելը—զէնք կը գայ իր վե-
 րայ: Բուրը—գուժի ձայն է: Բոզ կնոջ հետ
 խօսելը—փառք է: Բոզ տեսնել, խօսել կամ
 խաղալը—շահ է: Բոպիկ իրան տեսնելը
 վնաս է: Բորոտ իրան տեսնելը—հարստա-
 նալու և մեծութեան նշան է: Բողկ ուտելը
 առողջութիւն է և շահ: Բրինձ տեսնելը—

բարի է և շահ: Բրել կամ գործել—բարու-
 թիւն է և շահ:

Գ.

Գառներ տեսնելը—մեծ շահ է: Գառներ
 մորթելը—բարի չէ: Գառներ լւանալը տրտ-
 մութիւն է: Գազան տեսնելը—երկիւղ է
 առանց վնասի: Գազաններ շատ տեսնելը—
 ահ է: Գազանը, որ ձայն արձակէ—երկրի
 համար նեղութիւն է: Գազանի խաղալը—
 թշնամու հաշտութիւն է: Գազանի փախչելը
 խաղաղութիւն է: Գազանը—մեծութիւն է:
 Գանձ տեսնես կամ առնես շահ է: Գարին
 —հարստութիւն է: Գարի սերմանել
 կամ ժողովել—ոռճիկ է: Գայլ տես-
 նելը—թշնամի է: Գայլին եթէ սպանես—
 թշնամուդ յաղթես: Գայլին զարկես և չը
 սպանես—կնոջ հետ մեղք կգործես: Գայլի
 վրայ նստելը—նեղութիւն է: Գայլին եթէ
 խփես և սպանես—գործդ կը յաջողուի: Գայ-
 լի միսը եթէ ուտես—ուրիշից հարամ ու-
 տես: Գայլագռան—անհաւատ մարդ է: Գա-
 զան տեսնելը—թշնամու դեմ պաշտպանուել
 է: Գաւազանը ձեռքիդ լաւ է, որդի է և
 մեծ շահ: Գաւաթ բռնել ձեռքը—զաւակի
 խնդութիւն է: Գետի հեղեղի բարձրանալը—
 տխրելու նշան է: Գետ անցնելը—հառաչել
 է: Գետը պարզ տեսնելը—առատութեան նը-

շան է: Պղտոր գետը—լիութիւն է: Գետում
լւացւելը—նեղութիւն է: Գետի վերևից ներ-
քև գնալը—թշնամուց յաղթւել է: Գետ
տեսնելը—նեղութիւն է: Գերի իրան տես-
նելը—մեծութիւն է, և նեղութիւնից ա-
զատուել: Գերանդին մեծութիւն է և շահ:
Գերանը երբ կոտորւի—տանտէրը կը մեռնի
և առհասարակ վնաս է: Գերեզման բանալը
վնաս է: Իրան գերեզմանում տեսնելը—վատ
է, պատասխանատուութեան կենթարկելի և
բանտ կնստի: Գեղեցիկ իրան տեսնելը—
փառք է: Գեղեցիկ նկարած պատկեր տես-
նելն էլ նոյնն է: Գեշ հոտը—վատ խօսք է:
Գէր իրան տեսնելը—տղաների աճումն է:
Դինի անարատ տեսնելը, խմելը կամ գնելը
ոյժ է և շահ: Դինին գեղով խմելը—հարամ
ուճիկ է: Դիսաւոր աստղը—մեծութիւն է:
Դինձը—անուշ խօսք է: Դինձ ուտել կամ
ժողովելը—կոխ է: Դինտ հագնելը մեծ
շահ է: Ականջից գինտ հանելը—մահւան
վնաս է: Դիշերով ճանապարհ գնալը—նե-
ղութիւն է: Դիրք կարգալը ժողով է: Դիր
զրելը—մուրազ է և լաւ: Դլխատուած իրան
տեսնելը: մահւան վնաս է: Դլուխը մար-
մնից հեռու տեսնելը—օտարութիւն գնալ է:
Դլուխը կտրած ձեռքին բռնած տեսնելը—
մեծ գանձ գտնելու նշան է: Դլխին գեղ
քսելը անոյշ խօսք է: Դլուխդ եթէ ածիլես
ամեն նեղութիւնից կազատես: Դլուխ լւա-

նալը վնաս է: Դլուխ սպիտակ տեսնելը յան-
կարծ շահ գայ: Դխտոր տեսնելը ցնորք և
աղքատութիւն է: Գնդակ խաղալը մեծին
լաւ է, փոքրիկին վատ: Գոթի իրան տես-
նելը, հարստութիւն է և լաւ: Գոմէշը շահ
է և ուրախութիւն: Գոմէշը գետում—բարի
համբաւ է: Գոմ շինելը շահ է և ուրա-
խութիւն: Գոյնգոյն հագուստը—խնդութիւն
է: Գուշ գտնելը մեծ շնորհք է: Գորտ տես-
նելը հաւատացեալ մարդ է: Գորտերը—նոյնն
է: Գորտի ձայնը խնդութեան զրոյց է:
Գորտ սպանելը հաւատացեալ մարդու հետ
հաշտութիւն կնքել է: Գլխարկ դնելը պա-
տիւ է: Գրաւական տանից հանելը մահւան
վնաս է: Գրող տեսնես—մահ է: Գրիչ և
կաղամարն—խելք և ճանապարհ է: Գրչա-
մանը—կին է:

Դ.

Դահեկան (զրամ մէկ ուրբի) տեսնելը
կամ առնելը շահ է. կին առնի և կամ տղայ
վաստակի: Դամոնը—հիւանդութիւն է: Դա-
նակ տեսնելը կամ գնելը—լաւ չէ, վատ լե-
զու է: Դանակ եթէ կորցնես—չար լեզուն
կը խափանւի: Դանակ շինողը ցաւոտ մարդ
է: Դաշտ տեսնես—երկիւղով բան առնես:
Դաշտից դուրս գալը—նեղութիւնից ազատ-
ւել է: Դատաւոր տեսնելը—աստիճանաւո-

րին աստիճանի աւելացումն է: Դատաստանը մեղքերի քաւութիւնն է: Դարպաս շինելը կամ տեսնելը հարուստ կինն է: Դարպաս լայնացնելը—մեծութիւնն է: Դարպաս փակելը մեծ մարդու ընկնել է: Դարպասը—թագաւորից պատիւ է: Դարբին տեսնելը—մեծ մարդ է: Դարբնութիւն եթէ ինքդ անես—լաւ տանուտէր լինես: Դարբնի սալը և կռանը—մեծութիւնն է: Դեկան (տասնոց) թէ օգտակար մարդ տայ կամ կորցնէ, կամ եթէ գողանան ամեն հոգսից ազատի և թէ հիւանդ է ողջանայ: Դեկան և դրամ աշնանը տեսնես—արիւնհեղութիւնն է, իսկ եթէ գարնանը՝ բորոտութիւն և մաշկի հիւանդութիւնն է: Դեղին պղինձը, գործիք է: Դեղին սեխը, դեղին հագուստը, կամ դեղին ձի հեծնելը վատ է և հիւանդութիւնն է: Դեղ նեղութեան և մեղքի նշան է, Դդում տեսնելը—հիւանդին լաւութիւնն է: Դդում ցանելը ջերմ է, իսկ ուտելը—հիւանդութիւնն է: Դե տեսնես—բարի զրոյց է: Դիպակ տեսնելը (մետաքսի շոր) և հագնելը մեծ պատիւ է: Դմակ տեսնելը և կամ ուտելը—հիւանդութիւնն է կամ անհոգութիւն: Դուռը տեսնել, կամ առնելը—պատիւ է և մեծ մարդու հետ ծանօթանալ: Դուռ բանալը—իր բախտը կը բացւի և իր կամքը կը կատարւի: Դուռ ձգելը—մեծ մարդու ընկնել և կործանում է: Դուռ կոտրելը—մահւան

նշան է: Դուռը դուրս գալը—լաւ նշանն է: Դուր տեսնելը պատիւ է: Դրամ տեսնելը կամ հաւաքելը ազահութիւնն է: Դրացու հետ բարեկեր կոիւ է:

Ե.

Եզ տեսնելը—ան է: Եզը նստած աւետիս է կամ սիրելին կը գայ: Եզի միս ուտելը լաւ է, բայց ոմանք էլ ասում են թէ նեղութիւն և հիւանդութիւնն է: Եզներ և սայլերը—նեղութիւնն է: Եզների կուելը երկրի ան է կամ թշնամի: Եզ մորթելը—մահւան փառ է: Եզեղեցի տեսնելը կամ շինելը փառք է, բայց ոմանք էլ ասում են, որ նեղութիւնն է: Եզ ուտելը բարի է: Եզնիկը տան մէջ տեսնելը—զուգակից է կամ իւր սիրելին գայ: Եզջերուն—երկրի նեղութիւնն է: Երգեհոնը—տրամուրթիւնն է: Երկիրը—խնդութիւնն է: Երկանք աղալը կամ տեսնելը—անհանգստութիւնն է: Երկաթ տեսնել կամ գնել տրամուրթիւնն է և շատ վատ: Երկաթով ծեծելը նեղութիւնն է և ցաւ: Երակ առնելը սրբութիւնն է: Երակ կտրելը—մահւան փառ է: Երես լւանալը—զէն է: Դեղին երեսը մեղք է իսկ կարմիրը—գործը լաւ կը գնայ: Դեղեցիկ երեսը—մեծ փառք է: Երագում երազ պատմելը—շատ լաւ է: Երէցին յարութիւն առնելիս—հին խօսք ու զրոյց

է: Մեռած երէցին կենդանացած տեսնելը — մեծ զրոյցի նորոգւել է: Երեցին մեռած տեսնելը — մեծ կուրի խափանումն է:

Ձ.

Ձանգակի ձայն լսելը — ուրախութիւն է: Ձափրանը հիւանդութիւն է: Ձափրանով կերակուրը — լաւ է: Ձինելը — մեծ նեղութիւն է: Ձինուոր տեսնես պատրաստ կաց տրտմութիւնից: Ձմրութիւն — լաւ է: Ձնդանը մեծ հոգս և սուգ է: Ձուռնան — անձրև կամ կուր է: Ձրոյց տալը — նեղութիւն և չարութիւն է: Ձրահը — պարոնութիւն է կամ սպանութիւն: Ձրահ հագնելը՝ զէնք է:

Է.

Էջ տեսնելը — նեղութիւն է: Էջի մեղուններ ծամելը — թշնամիների կորուստ է: Էջ սպիտակ արածելիս, կամ բարձած և վրան նստած բարի է և պատիւ:

Ը.

Ընկոյզը — կուր է: Ընկոյզ ժողովելը — լաւ չէ: Ըղունգ կտրելը վնաս է: Ըղունգ երկար ունենալ աղքատութիւն է: Ընկուզենին — տհաճութիւն է:

Թ.

Թագաւորին ողջունելը կամ բարևելը — փառք է: Թախտը — մեծութեան նշան է: Թախտը կանաչ տեսնես — ցաւ է: Թամբարարը — կուարար մարդ է: Թանաք եփելը — լաւ է: Թանաքը վրադ թափես — վատ խօսք լսես: Թարախով իրան տեսնելը շահ է և հարստութիւն: Թարախը արիւնսխառն — մեղաց գոյժ է: Թագնւած իրեն տեսնելը — բարի է: Թևաւոր իրան տեսնելը — անհանգստութիւն է: Թթու մածուն ուտելը — հարամ ոտձիկ է: Թթի ծառը հարուստ մարդ է: Թթու ինչ էլ լինի — նեղութիւն է: Թղի ծառը լիրբ մարդ է: Թուզ դալար տեսնել՝ վնաս է: Թուզ չոր ուտելը — շահ է: Թուխ մօրուս տեսնելը — շահ է: Թուխ իրան տեսնելը — մեծութիւն է: Թուչելը — օտար տեղ գնալ է: Թէ իր կտրից ուրիշ կտուր թուչի — իր կինը թողնի և ուրիշ կին առնի: Թէ թուչի և շատ բարձրանայ լաւութեան հասնի: Թուչունը թէ քեզ մօտենայ — մարդիկ քեզ երանի տան: Թուչուն արձակելը մեծ բարութիւն է: Թըռչունի փախչելը մեծ վնաս է: Թուչունների կուրը — վնաս է: Թուչունը եթէ քեզ հետ խաղայ — թշնամիդ քեզ կը սիրի:

Ժ.

ժամատունը զարդարւած տեսնելը—ար-
բայութեան արժանանալ է: ժամ գնալը—
կեանքիդ բարիք կը լինի: ժամատուն մըտ-
նելը—հաւատին լաւ է: ժամատան աղօթելը
—լաւ բան է: ժամհարը—զպրութեան
հասնել կամ նեղութիւն է: ժամ անելը լաւ
է: ժուռ գալը—լաւ չէ: Ժողովը—աղմուկ
է: ժամացոյցը օգուտ է:

Ի.

Իրան մանուկ ժամանակ ալևոր տես-
նելը—կեանքի յաւելումն է: Իրան ալևոր
ժամանակ մանուկ տեսնելը նոյնն է: Ինքը
եթէ նաւ նստի—կեանքը զւարթանայ: Նաւ
նստելը—մեծերից պատիւ ստանալ է: Ինքն
տնապատում նստած՝ հիւանդութիւն է: Ի
բարբարոս նստելը (ի-կնշահակի մօտ) նե-
ղութիւն է: Ի կին նստելը բարի է և լաւ:
Ինքն սպիտակ, կամ սև ձի նստելը աւետիտ
է և շահ: Ինքը սև ջորի և ձի նստելը—շահ
է: Ինքը գայլ նստի—նեղութիւնը է, կառք
նստի մեծ պատիւ է, իսկ լաց լինելը շատ
նեղութուն է: Ինքը բարձր տեղից ընկնի—
պատուից ընկնել է: Ինքը սերմ ցանէ կամ
վարէ—բարի է: Ինքը ջրհոր կամ գետ ըն-
կնի—նեղութեան մէջ ընկնի, իսկ ջրհորից

կամ գետից դուրս գալը—պատիւ է և ա-
զատութիւն: Իրիցուց (տէր-տէրից) խաչ
առնելը—տրտմութիւն է: Իրք (որևէ բան)
ուզեն քեզանից—պատիւ է: Իրեն գերեզմա-
նում տեսնելը դատաստանի և բանտի հան-
դիպել է: Ինքը եթէ մեռելից համբոյր
ստանայ—մլաս է: Իրեն եթէ վայրենի գա-
զան հալածի—պատրաստ կաց զօրաւոր մար-
դուց և կամ թշնամիդ յաղթէ քեզ:

Լ.

Լոյսը—աշխարհի խաղաղութիւնն է: Լոյ-
սը հանգած տրտմութիւն է առաջնորդաց:
Լուսինը և արեգակը առաւօտեան տեսնես
—ազդին մեծ մլաս է: Լուսնի աստղը խիստ
շահ է: Լուսինները—երկրի ահ է: Լու-
սինը—մլաս է: Լուսինը խաւար—թագաւո-
րի մահ է: Երկու լուսին տեսնելը—երկու
թագաւոր միմեանց վրայ յարձակեն: Լուսն
ոռճիկ է: Լուծ դնելը վատ է: Լուծը (եզ-
ների) բարի է: Լեառն բարձր տեսնես—
տրտմութիւնից ազատես: Լեհերը (վերմակ)
հարուստ կնիկ է: Լիմոնը (կիտրոն) անուշ
խօսք է:

Խ.

Խան կամ սուլթան տեսնելը—անչափ
լաւ է: Խաչակները—մեծ պատուի նշան է:

29599-63



Խաչը—նեղութիւն է և չարչարանք: Խա-
 չաքարը դատարկ մարդ է: Խաւարը—չար-
 չարանք է: Խաւեարը—հիւանդութիւն է:
 Խաղողը—անձրև է և ցնորք: Խաղողի սպի-
 տակը—խնդութիւն է, իսկ սևը—լաց: Խա-
 զող—ժողոված գանձ է: Խայտ հանդերձ տես-
 նես—աւագ մեռնի: Խարդալը՝ օտար կին է:
 Խարբուզակ—սև, սպիտակ և կանաչ, տես-
 նելը լաւ է—իսկ ուտելը—հիւանդութիւն:
 Խիարը—ուրախութիւն է: Խմոր ուտելը—
 շահ է: Խնձորը—տղայ և աղջիկ է, ուտելը
 շահ: Խնձորը եթէ քեզ տան աւետիս է:
 Խնձորի ծառը մեծ մարդ է: Խուլ և համրը
 —շահ է: Խունկ ծխելը—հարստութիւն և
 անուշ խօսք է: Խորոված միս ուտելը շահ
 է: Խոզ մեծ տեսնելը—մահ է կամ այլազ-
 գիք: Խոզի միս ուտելը ազգականի մահ է:
 Խոտը—լաւ մարդ է: Խոտ ժողովելը պա-
 տիւ է:

Ծ.

Ծաղկեայ անդաստանը—շահ և ուրա-
 խութիւն է: Ծաղիկը—անհոգութիւն է: Ծա-
 դիկ քաղելը կին առնել է: Ծաղկելը—բարի
 է: Ծաղկած ծառը—նոյնպէս: Ծաղիկն ու
 բոլը—սրանեղութիւն է: Ծառ տնկելը—յի-
 շատակ է, կամ բարի բան: Ծառ պտղով
 բարի է, կտրել կամ այրելը—փրաս: Ծառը

եթէ ծուռը լինի լաւ չէ: Ծառի տերևի թափ-
 ւելը արիւնհեղութիւն է: Ծառի ընկնելը—
 մահ է: Մեծ ծառի վայր գլորւելը—մեծ
 մարդ կը մեռնի: Ծառի վրայ նստելը կամ բար-
 ձրանալը փառք է: Ծառը կանաչ—գանձ է.
 իսկ չոր—տրտմութիւն: Ծամ խուզելը կին
 է: Ծամ կտրելը—բաժանումն է: Ծառան
 աւետիք է և խնդութիւն: Ծառայելը
 —լաւ չէ: Ծանր բան շալակելը—մեծ մեղք
 է: Ծիծաղելը տրտմութիւն է: Ծեծը տղայ
 է կամ մեծութիւն: Ծնունդ նստելը մեծ
 շահ է: Ծունր դնելը յոյս է: Ծովը պղտոր
 —նեղութիւն է. ցամաք ծովը լիութիւն է:
 Ծովում լացւելը շահ է: Ծովը ներս գնալը
 —թշնամու առաջ արդարանաս: Եթէ ծովը
 մարդու ներս քաշի—տեսնողը գողի ձեռքով
 սպանւի:

Կ.

Կամուրջ շինելը—շատ լաւ է: Կառք
 նստելը մեծ պատիւ է: Կայծակը—խռովու-
 թիւն է: Կարկուտը երկրի համար փրաս է:
 Կանաչ ծաղիկը—բարի է: Կապար տեսնելը՝
 անհոգութիւն է: Կարասը—նեղութիւն է:
 Կապուտը—աւերումն է: Կաղամբի տակ հա-
 նելը—ըստ Դանիէլի—փրաս է: Կենդանի ի-
 ըրան գերեզմանի մէջ տեսնելը—մեծ զրոյց
 է: Կին առնելը—մահաւան փրաս է: Կին հե-

ըարձակ (մագերն արձակած) նոյնն է: Գեղեցիկ և զարդարւած կին տեսնելը—երկիր է կամ քաղաք: Կնոջ հուսերը կտրելը—մեծ վնաս է: Կնոջ նայելը—բարի է և լաւ: Կոյս իրան տեսնելը—շահ է: Կուժը որդի է: Կուժը ջրով լիքը տեսնելը—բարի է: Կուժաշ տեսնելը, կամ ուտելը—լիութիւն է: Կրակի մէջ ընկնելը—մահ է և սով: Կտակ հանելը լաւ չէ: Կօշիկ տեսնել կամ հագնելը—ճանապարհ է:

Հ.

Հաց տեսնելը—բարի է և լաւ: Հաւը ուրախութիւն է: Հաւ սիրամարգ—մեծ իշխան է: Հաւը ձւի վրայ—յանկարծ շնորհք է: Հաւի խօսելը—նշան է որ մարդ կեանքից կը զրկուի: Հաղորդ առնելը—մարդու ծեծ է: Հասկ քաղելը—ըստ Պլատօնի—ուրախութիւն է: Հարսանիքը—տրտմութիւն է: Հայրապետը—մեծ զրոյց է: Հայր մեռած կամ կենդանացած տեսնելը—մեծ շահ է: Հալւան այրւած տեսնելը—շահել է: Հանդերձ կորցնելը—վնաս է: Գոյնզգոյն հանդերձ ունենալը—նոյնն է: Հեռաւոր երկրում իրան կամ ուրիշին տեսնելը շահ է և բարի: Հիմք ձգելը—հարստութիւն է: Հիմքի վրայ հիմքի ձգելը—բարի է: Հիմքը շինութիւնից դուրս գերեզման է: Հիւանդը

—նեղութիւն է: Հող վերցնելը նոյնն է: Հում միս ուտելը—մեծ զրոյց է: Հոր փորելը—խիստ նեղութիւն է:

Զ.

Չեռներ լանալը—բարի է: Չեռիդ եթէ ճրագ տեսնես—որդի է: Չէթ եփելը—հիւանդութիւն է, ոմանք էլ ասում են, որ մուրազ է և լաւ: Չէթով օծելը շնորհք է: Չիթապտուղ ժողովելը բարի է: Չի նստելը—մուրազ է: Վագող ձի նստելը—շատ լաւ է: Սև ձի կամ ջորի նստելը, մեծամեծներին շահ ստանալ է: Չու տեսնելը—կոխ է: Չոր տեսնելը կամ անցնելը—նեղութիւնից ազատել է: Չուկը—չար լեզու է ու ջրից հանելը—ամպ կամ ջերմ լինի: Չուկը կրակի վրայ—երկրի նեղութիւն է:

Ղ.

Ղան կամ սուլթան տեսնելը—անչափ լաւ է: Ղեկը—ճանապարհ է: Ղամպար (Ղահ) վառելը—բարի է: Ղեստի տեսնելը լաւ չէ:

Ճ.

Ճանապարհ գնալ կամ յետ դառնալը—լաւ է և նեղութիւնից ազատել է: Ճոպա-

նը (չւանը) երկար ճանապարհ է: Ճառ լը-
սելը հոգս է: Ճնճղուկ տեսնել կամ ունե-
նալը—բարի է: Ճրագը վառած տեսնես—
ծածուկ և գաղտնի գործերը կը յայտնւին: Ճրագը հանգած—տան կործանումն է: Ճըն-
ճղուկ տեսնել կամ բռնելը—բարի է:

Մ.

Մանուկ մօրուսով, ծեր, կամ ալևոր
տեսնելը—կեանքի սուելանալ է և լաւ: Մա-
տանի տեսնես կամ ջինել տաս—իշխանու-
թիւն է. իսկ կոտորած մատանին վնաս է: Մա-
տանին կորցնես—կինդ կամ սիրելիդ մեռնի:
Մատանի ուրիշից առնելը—անհոգութիւն է:
Երկու մատանի ունենալը—երկու կին առնի:
Մատանի արծաթից տեսնես—նեղութիւնից
ազատես: Մատակ ուղտի վրայ նստելը—
հիւանդութիւն է: Մարգարիտը—մեծութեան
նշան է: Մարդու լերդ կամ ոսկոր ուտելը
—բանտ մտնելու նշան է: Մեծ հասակով
իրեն տեսնելը—փառք է: Մեծ փակեղ ու-
սին գցելը—մեծ շնորհք է: Մեռել տեսնելը
մեռելից բան առնելը, մեռելի կենդանա-
նալը—անցած աղմկալի զրոյցը կը նորոգւի:
Մեռած իրեն տեսնելը—նշան է որ շատ
կապրի: Մեռելը եթէ խօսի—զգոյշ կաց և
մի հաւատար: Մեռել թաղելը—շփօթութիւն
է: Մեռելը գերեզմանում տեսնելը—չարը

խափանի: Շատ մեռելներ տեսնելը—վատ
է: Մեղր ուտելը մեղք է և սրտնեղութիւն:
Միս աղի ուտելը—հիւանդութիւն է:
Միրզը նոյնպէս հիւանդութիւն է: Մոմը
եթէ վառած տեսնես—ուրախութիւն է և
որդի: Մորեխը—հոգս է և աշխարհի նեղու-
թիւն: Մութ ու մուկը վնաս է և չար:
Մօրուսաւոր իրան տեսնելը—շնորհք է:
Մօրուս գէշ—գէնք է, փետելը—խաղաղու-
թիւն:

Ն.

Նախիրը եթէ գիւղ գայ—մեծ մարդ
գայ: Նախիր եթէ շուրջդ գայ—խռովու-
թիւն է: Նապաստակը իր նման տղայ լինի:
Նաւը ոսկուց և արծաթից—բարի է: Նաւ
նստելը—շատ ապրի, երկար կեանք ունե-
նայ: Նաւերը—հեռու տեղից շահ գայ: Նա-
ւը գանձով—նեղութիւն է: Նաւ կոտորած—
մահւան նշան է: Նոր բան տեսնելը—օտա-
րութիւն գնալ է: Նուոր—օտարներից շահ
ստանալ է: Նստել և լաց լինելը—շատ մեծ
նեղութիւն է:

Շ.

Շապիկ սպիտակ տեսնելը, կամ հագ-
նելը—արգարութիւն է, սեր—տրտմութիւն

իսկ, կեղտոտը—մեղք: Յորենի շեղջ
(կիտւած) տեսնելը կսկիծ է: Շէնք շինելը
—բարութիւն է, իսկ քանդելը վնաս: Ծար-
բաթ խմելը—խելքի յաւելումն է: Շիշը իւ-
ղով—ոռճիկ է և շահ: Հողը փառք է: Ծուք
առնելը—մեծ պատիւ է: Ծների միմեանց
հետ կռիւր—լաւ չէ: Ծան հաշիւը և կծելը
—չար լեզու է: Ծուն կամ թեւաւոր գազան
տեսնելը—թշնամիներ են:

Ո.

Ոսկի խնձորը—պատիւ է: Ոսկին կամ
արծաթը շահ է: Ոչխարը—ձմեռն է և ցուրտ
Ոչխարն ճանապարհում—հարստութիւն է:
Ոչխարը մորթւած—ձմեռը լաւ գայ: Ոչ-
խարը սև—սուգ և տրտմութիւն է: Ոչիւ
կոտրելը—մաշումն է: Ոսկը բերելը լաւ է:
Ուղտը—պարոն է: Ուղտը նստած—հաւատ
է: Երկու ուղտ կուելը—իշխաններ կուեն:

Չ.

Չամիչը—շատ վնաս է: Չամանը կռիւ
է և աղաղակ: Չանկը—տրտմութիւն է:
Չարին տեսնելը—չարից ազատել է: Չիրը
սակաւ—շահ է: Չոբանը—ճանապարհ է:
Չոր ծառը—մեռած մարդ է: Չոր միսը ոռ-

ճիկ է և շահ: Չուխայ սպիտակ—արգարու-
թիւն է: Կանաչը—հարստութիւն է և սեր—
տրտմութիւն:

Պ.

Պատարագը—կռիւ է: Պարտէզը—բարի
է և արգարութիւն: Պարտէզ տնկելը—բա-
րի է: Պոզ կոտրելը—չարը խափանի: Պրդ-
պեղը—կսկիծ է: Պղպեղ ուտելը—թշնամուց
պատրաստ կաց: Պսակը—շատ լաւ է, ոմանք
ասում են թէ կռիւ է: Պսակը զարգար-
ւած նոյնն է: Պսակ արծաթի—հիւանդու-
թիւն է: Պսակ փշեայ—մեծ շահ է: Պսակը
քարից—մեծութիւն է և պարզև: Պսակելը
լաւ է, յաճախ և կռիւ է:

Ջ.

Ջրաղաց շինելը—մեծութիւն է, քան-
դելը շինութիւն է: Ջրաղացի աղունը—
հիւանդութիւն է: Ջնուտ տեսնես—անհա-
ւատ մարդու հետ խօսես: Ջայլամ հաւը
տեսնես—նեղութիւնից ազատես: Ջուրը
մաքուր խմելը—շատ լաւ է: Ջուրը տանդ
մէջ—լաւ չէ: Ջուրը պղտոր տեսնելը, կամ
խմելը տրտմութիւն է: Գնացող ջուրը—
բարի է: Ջուրը գետից վերցնելը—վնաս է,

իսկ աղբիւրից—բարի է: Զուր շատ տեսնել,
կամ անցնելը—հեծեալք են:

Ռ.

Ռապատ մտնելը—նեղութիւն է: Ռե-
հան ծաղիկը բարի է, Ռոճիկ տեսնելը—
վատ է: Ռուժբը կանգնած—մեծութիւն է և
պատիւ: Ռուժբը ձեռքին ունենալը—ճանա-
պարհ է և երկիր: Ռովախ ձգելը—թողու-
թիւն է հոգոց, մարմնոց և ամեն բանի:
Ռուս տեսնելը—մեծ հակառակութիւն է:

Ս.

Սազը—մեծ մարդ է: Սալորն—առող-
ջութիւն է: Սաղաւարտն—անհոգութիւն է:
Սամիթ դալար լաւ է: Սանդուղ կանգնած
—մեծութիւն է և բարի: Սանկը և զրահը
ծանրութիւն է: Սանք բռնելը զէնք է: Սար-
բով շորի կամ ձի տեսնես—մեծութեան հան-
դիպես: Սենեակ բանդելը—կնոջից բաժան-
ւել է: Սիսեռը—բարի է: Սիւնը նեղութիւն
է և կոխ: Սիստորը, սոխը և սապոնը—կըս-
կիծ են: Սոխ և սագի միս ուտելը—հիւան-
դութիւն է: Սուգ անելը—ուրախութիւն է:
Սուլթան տեսնելը մեծ ցաւ է:

Վ.

Վախեցած կամ վառւած իրան տես-
նելը—հարստութիւն է: Վանք և արեղայ
տեսնելը—նեղութեան ամբոխ է: Վառած
մարդ տեսնելը—փաս է: Վարդ տեսնես—
կին առնէ: Վարդ քաղելը—բարի է: Վար-
տիկը բարի է: Վիշապ տեսնես—մեծ մարդ
է, ոմանք ասեն թէ նեղութիւն է: Վայրե-
նի գազանից փախչելը—մեծից փաս կը
կրէ: Վերմակը—հարուստ կին է:

Տ.

Տաճարը զարդարւած—բարի է: Տա-
ճար այրելը—խռովութիւն է: Տաճիկը—
թշնամիների յարձակումն է: Տախտը դի-
պակով բարի է: Տախտը կանաչ—ցաւ է:
Տիկը և տիկինը—տրտմութիւն է: Տղայ զըր-
կելը ցաւ է և հիւանդութիւն: Տուն շինելը
շատ բարի է: Տուն աւերելը—բարի չէ:
Տուն իրանը, կամ ուրիշինը—աւերած տես-
նելը—լաւ չէ անիրաւութիւն է: Իր կամ
ուրիշի տունը արծաթից շինւած տեսնես—
մահու փաս է: Տունկ տնկելը—ազգերի
օրհնութիւն է:

Ճ.

Յեխ տեսնելը—փաս և տրտմութիւն:

է: Յեցը լեզու է: Յեց հանելը—նեղութիւն է, ոմանք էլ ասում են լաւ է: Յորենը ցը- նորք է: Յուլ բռնելը—խիստ շահեկան է:

Փ.

Փայտ տեսնելը, կամ կտրելը շատ լաւ է: Փոխինձ ուտելը—լաւ չէ, զէնք է: Փող ածելը—թշնամիների կորուստ է, նաև մե- ծանայ և բախտի տիրանայ: Փուշ կտրելը— թշնամիների կորուստ է: Փուշը, եթէ ձեռ- քիդ մէջ հաւաքես—շատ ժամանակներում ապրես: Փոքր մարդ տեսնելը—շնորհք է:

Ք.

Քաղաք մտնելը—բարի է: Քաղցր բան ուտելը—լաւ չէ: Քար ձգելը—փրայ է: Քար ժողովելը—լեզու է: Քարէ հիմք ձգելը— թշնամի է: Քարի վրայ նստելը—մտած- մունք է: Քացախ խմելը—չարը խափանի: Քղամիդ հագնելը խնդութիւն է: Քահանա- յից խաչ առնելը—լաւ չէ:

Օ.

Օձի հետ խօսելը—այնպիսի բան է, որ ամեն մարդ և ամբողջ աշխարհը կը զար- մանայ: Օձին եթէ սպանես—թշնամուց ա-

զատես: Օձին եթէ անկողնումդ տեսնես— կին առնես: Օձը եթէ խայթէ—փրայ է: Օձը եթէ իւր վրայ յարձակւի—թշնամուց ան գայ: Օձը թէ փորը մտնի—թշնամուց չար խօսք լսէ: Օձը անկողնում սպանելը— կնոջ մահ է: Օձը եթէ տեսնես և չվախե- նաս թշնամուց անհոգ լինես: Օձը եթէ իր տանը տեսնի—կնոջ հետ թշնամանայ: Օձին եթէ երկու կտոր անես—թշնամուցդ քեզ շահ գայ: Օշինդրը—կռիւ է:

Առհասարակ բոլոր այն մարդիկ, որոնք վատ երազ կը տեսնեն և կը զարհուրին— թող յիշեն Դանիէլ մարգարէին, երեք Մանկանցն ու Աթանազինէ հայրապետին: Եկեղեցում երեք մոմ վառեն, եօթն ան- գամ ծուներ զնեն և վերոյիշեալ սուրբերին յիշեն՝ ամեն շար և վատ երազը Աստուծով բարին կը կատարւի:





II.

ԼՈՒՍՆԻ ԵՐԱԶԱՅՈՅՑ

1-ն լուսնի: Օրն բարի է ամեն բանի, Աղամբ նոր ստեղծւեց, սերմանել, տնկել, ճանապարհ գնալ, հիմք դնել: Նոյը նմանապէս տապանի սկիզբն այսօր դրեց, Մովսէսը ժողովրդին այսօր հանեց Եղիպտոսից, Գաբրիէլն այսօր ողջոյն տւաւ Մարիամին և Սողոմոնը այսօր դրեց տաճարի հիմքը. հիւանդը առողջանայ, կորածը գրտնւի, երազը բարին կատարի:

2-ն լուսնի: Օրն բարի չէ. Նախաստեղծըն այսօր ընկաւ: Կայենն Աբէլին սպանեց, ծնուածը հեզ և խոնարհ լինի. բայց և շնացող: Հիւանդը չի ապրի: Կորուստը մինչև 40 օրը կը գտնւի: Տունի տնկել և նաւով ճանապարհ գնալը լաւ է: Երազը երեք օրում կատարւի:

3-ն լուսնի: Օրն բարի է ամեն բանի. ծնւածը շնորհալի և պատերազմող լինի: Այսօր Հէղինէն դժոխքից խաչը գտաւ և Սողոմոնը այսօր ծնաւ: Գնելը և վաճառելը բարի է: Կորուստը գտնւի, փախածը յետ գառնայ. երազը բարին կատարւի:

4-ն լուսնի: Օրն բարի չէ. չվաճառես չգնես և տանից դուրս չգնաս: Նաբուգոդոնոսօրն այսօր տաճարը քանդեց և մոգերն այսօր ընծայ բերին. Հերովդեսն այսօր մոգերից խաբւեցաւ. ծնւածը շնորհալի լինի և մեծութեան հասնի: հիւանդը մեռնի երազը սուտ է:

5-ն լուսնի: Օրն ամեն բանի բարի է. մեղուն լաւ կը գայ. սերմանել, տնկել, ճանապարհ գնալ, նաւ ուղղել. ծնւածը բախտաւոր լինի, որովհետև այսօր նոյը մտաւ տապանը և Սողոմոնը այսօր տաճարը շինեց: Կորուստը կը գտնւի, հիւանդը կառողջանայ և երազն ի բարին կը կատարւի:

6-ն լուսնի: Օրն ամեն բանի համար բարի է. մանուկներին ուսման տալ: Տէրն այսօր Առաքեալներին քարոզութեան ուղարկեց. ամեն բան գործելը—բարի է: Հիւանդը կառողջանայ, ծնւածը բախտաւոր կը լինի, կորուստը մինչև 40 օրը կը գտնւի երազը մի տարւայ մէջ կը կատարւի:

7-ն լուսնի: Օրն վատ է: Աստուած հէնց այսօր Աղամբն և Եւային դրախտիցը դուրս արաւ: Ծնւածը գող լինի, հիւանդը շատ կը նեղանայ—բայց շատ կապրի: Երազը սուտ է:

8-ն լուսնի: Օրն ամեն բանի համար բարի է. այսօր եղաւ թլպատութեան սկիզբը և լեզուները այսօր բաժանւեցան, հի-

լանդը ողջանայ, կորուստը գտնելի, ծըն-
լածը ձայնաւոր լինի և ծերանայ. երազն
ութ օրն կը կատարւի:

9-ն լուսնի: Օրն բարի է. այսօր մկր-
տեց Քրիստոս. ծնւածը երկար կեանք ու-
նենայ. գնել, վաճառել, ճանապարհ գնալ,
մանուկ մկրտել, թագաւոր տեսնել, մեծի
հետ դատաստան մտնել: Կորուստը կը դըտ-
նի երազը բարին կը կատարւի:

10-ն լուսնի: Օրն ծնունդն է: Գործ
չանես—լաւ չէ. ամեն բանից պատրաստ
կաց, մի երգւիր և երգումն մի տար. մա-
գերդ մի սանրիր. ծնւածը խեղդամահ լինի.
հիւանդը ողջանայ, փախածը գտնելի, արիւն
թողնելը վնաս է: Երազը երեք օրւայ մէջը
կը կատարւի:

11-ն լուսնի: Օրն բարի չէ. աշխարհը
Ղրհեղեղով ջնջւեցաւ. չգործես, երգում չը
տաս և ուրիշին էլ երգում տալ չտաս. այ-
սօր կէտ ձուկը Յովնան մարգարէին կու-
տաւ. շուրք չմտնես. ծնւածը շուտով կը
մեռնի, ճանապարհ չգնաս: Աղամը այսօր
դրախտից դուրս եկաւ. հիւանդը կը լաւա-
նայ. արիւն առնելը վնաս չէ. երազը նոյն
օրը կը կատարւի:

12-ն լուսնի: Օրն բարի չէ. չը երգես
և ուրիշին էլ երգում չտաս. ամեն բանից
զգոյշ կաց և աղօթիր. երազը երեք օրւայ
մէջ կը կատարւի:

13-ն լուսնի: Օրն բարի է ամեն բանի, գոր-
ծել, հիմք դնել, հարսանիք անել. ծնւածը
խմաստուն լինի, հիւանդը վատանայ, երազը
բարին կատարի:

14-ն լուսնի: Օրն հնազանդութիւն է ամեն
ինչի չը գործես. ծնւածը չարութեամբ
կը մեռնի, հիւանդը նեղութիւն կը կրի.
Քրիստոս այսօր խաչւեցաւ. երազը 40 օր-
ւայ մէջ կը կատարւի:

15-ն լուսնի: Օրն բարի է ամեն բա-
նի. ծնւածը զօրաւոր լինի. հիւանդը չորս
օրից յետոյ մեռնի: Քրիստոս այսօր ոչնչա-
ցրեց դժոգքը. շինել, վաճառել, տնկել՝ բա-
րի է: Ինչ որ գործես շնորհաւոր լինի,
կորցրածը կը գտնելի, երազը նոյն օրը կը
կատարի:

16-ն լուսնի: Օրն բարի է. սերմանել,
տնկել, հարսանիք անել, մանուկներին ուս-
ման տալ, մեծի մօտ գնալ. Քրիստոս այսօր
պատիւ ստացաւ մոզերից. ծնւածը գեղե-
ցիկ լինի, շատ կեանք ունենայ և հարստա-
նայ: Կորուստը չի գտնելի. հիւանդը կապրի-
արիւնը կը վնասէ. երազը երեք օրում կը
կատարւի:

17-ն լուսնի: Օրն բարի է. հիմք զցել,
պատերազմել. հիւանդն առողջանայ, երազը
նոյն օրը կը կատարւի:

18-ն լուսնի: Օրն բարի է. հարսանիք
անել, ճանապարհ գնալ. Քրիստոս այսօր

հոգիները բաժանեց. ծնւածը շատախօս լինի. երազն բարի է:

19-ն լուսնի: Օրն բարի է. սերմանել, տնկել, մանուկներին ուսման տալ, մեծի մօտ գնալ. Քրիստոսն այսօր պատիւ ստացաւ. ծնւածը բախտաւոր լինի, և հանճարեղ բայց արբեցող, լեզուից վատ և շնացող. հիւանդը կը մեռնի. թշնամուց պատրաստ կաց. երազը բարին կատարի:

20-ն լուսնի: Օրն բարի է. Աստուած այս օրը երևեցաւ Աբրահամին և օրհնեց նրան. սերմանել, շինել, վաճառել, ճանապարհ կամ մեծաւորի մօտ գնալ և ամեն ինչ գործելը բարի է: Ծնւածը խոնարհ և աղօթասէր լինի, բայց մերջը կրակով կամ ջրով մահանայ. Աստուած այս օրը այրեց Սօդոմ-Գոմորը. երազը սուտ է:

21-ն լուսնի: Օրն բարի չէ. այսօր Ձաքարիան պապանձւեց. չվաճառես, չգործես, չգնես, երգում չտաս և չերգւես. հիւանդը կը մեռնի. ծնւածը աղօթասէր կը լինի. երազը սուտ է:

22-ն լուսնի: Օրն չար է. մեղք չը գործես. բայց գնել, վաճառել, մանուկներ ուսումն տալ և ամեն բան գործելը բարի է. ծնւածը երկարակեաց լինի և մեծերին սիրելի. այս օրը Աստուած հրաման տուեց Գաբրիէլ հրեշտակապետին, աւետիք

տալ սուրբ կոյս Մարիամին. երազը բարին կատարելի:

23-ն լուսնի: Օրն բարի է. այսօր Քրիստոս երևեցաւ աշակերտներին. ծնւածը բախտաւոր, ողջամիտ և յաջողակ լինի. ճանապարհ գնալ. վաճառել, գնել բարի է. կորածը կը գտնւի, փախածը կը դառնայ, հիւանդը կարող է մեռնել. արիւնը շահաւէտ է. երազն 30 օրւայ մէջ կը կատարւի:

24-ն լուսնի: Օրն բարի չէ. պատրաստ կաց ամեն բանից. ճանապարհ մի գնալ, մի վաճառիր. մի գնիր, մեծի մօտ մի գնալ. ծնւածը անօգուտ լինի և անվաստակ. փախածը յետ դառնայ. այս օրը Երուսաղէմը կործանւեցաւ. երազը սուտ է:

25-ն լուսնի: Օրն չար է. մի երգւիր և մի երգումն տալ, ուրիշ տեղ մի գնալ. ծնւածը շէկ, շատամօրուս լինի. փախածը դառնայ, հիւանդը մեռնի, արիւնը շահաւէտ է և երազը-սուտ:

26-ն լուսնի: Օրն բարի է. գործիր. բայց երգումն մի տար. ծնւածը շուտ կը մեռնի. կարելի է փող վերցնել, ճանապարհ գնալ. հարսանիք անել, կորուստը կը գտնւի. Քրիստոս այս օրը ծնաւ—երազը բարի է:


27-ն լուսնի: Օրն բարի է. Աբրահամն այսօր իր որդուն մատաղ արեց և մանանան այսօր տրեց իսրայէլացոց ծնւածը Աստուածափախ պաշտօնեայ լինի, կորուստը գտնւի.

հիւանդը ողջանայ, փախածը դառնայ, երազը սուտ է:

28-ն լուսնի: Օրն բարի է. որևէ գործ կատարել, մանուկներ ուսումն տալ. մեծի մօտ գնալ, հարսանիք անել. այս օրը Քրիստոսին ընծայ տարան. ծնւածը գեղեցիկ և շնորհալի լինի. կորուստը չի գտնւի. հիւանդը մեռնի. երազն երեք օրում կը կատարւի:

29-ն լուսնի: Օրն բարի է. գործել տնկել, շինել, հարսանիք անել. ծնւածը բախտաւոր լինի և հանճարեղ, բայց արբեցող, լեզուով սիրելի՝ գործով — շնացող. հիւանդը մեռնի, երազն սուտ է:

30-ն լուսնի: Օրն բարի է. կնքել, պըսակել, հիմք դնել, ճանապարհ գնալ, հիւանդը ողջանայ. կորուստը գտնւի: Նաւ չստես. ծնածը արբեցող բայց բախտաւոր լինի. երազը բարի է:



III.

ԻԳՆԱՏԻՈՍԻ ՄԱՐՄԱԽԱՂԱՑ ՓՈՐՁԵՐԸ

Թէ գաղտն խաղայ — շահի և մեծութեան նշան է, բարի գտնի, անունը բարձրանայ, բարի ճանապարհ գնայ և ուրախանայ:

Թէ գազաթը խաղայ — բարի է ամենից սէր կը վայելի, մեծութեան և փառքի կը հանդիպի, մեծ թագաւոր կը տեսնէ, իշխաններից պատիւ կստանայ ճանապարհ կը գնայ, կը շահի և կուրախանայ:

Թէ ծոծրակը խաղայ — չարից, հոգսից, նեղութիւնից և տանջանքից կազատւի:

Թէ գլխի աջ կողմը խաղայ — օրինատում է կը սիրի. երկար ճանապարհ գնայ և լաւ շահի. բարիքի հանդիպի և բարով յետ դառնայ. թէ ձախը — չարից ազատւի կամ որդի լինի. մեծերից և իւր ազգից բարիք ստանայ բախտաւորութեան և մեծութեան հանդիպի: Թէ գլխի վերջ կողմը խաղայ, հոգսերի մէջ կընկնի, բայց պատուոյ հանդիպի: Թէ ամբողջ գլուխը խա-

դայ—շատ և շատ բաների հանդիպի
 շատ բան ընկնի իրան. ծածուկ բան
 կտեսնի և կամ գաղտնիք կը լսէ:
 Թէ ձա կատը խաղայ—շատերից պա-
 տիւ ստանայ, ամեն բան ինչ որ ցանկանայ
 առնի. գանձ կը գտնի, դատաւորութիւն կը
 վայելէ, մեծերից բարձրանայ և փառքի
 հասնի: Թէ աջ քներա կը խաղայ—կը մե-
 ծանայ իշխանից, աւագից կազատւի, հոգսի
 մէջ կընկնի կնոջ համար կ'մեռնի: Թէ ձախ
 քներա կը խաղայ, լիութեան և խնդու-
 թեան հանդիպի, պատւի և մեծութեան
 շնորհք կ'առնէ, կամ մարդու հետ կը կուլի:
 Թէ աջ յօնքը խաղայ—սրտհեշտութիւն է և
 կորուստը կը գտնուի: Թէ ձախ յօնքը խա-
 ղայ—լիութեան և խնդութեան հանդիպի,
 երկար կեանք վայելի, շահւի և կամ հի-
 ւանդանայ: Թէ յօնքամէջը խաղայ—նե-
 դութեան լուր առնէ, անվայել խօսք լսի,
 տրտմի և վիրաւորւի: Թէ աջ աչքի առա-
 ջին աղբիւրն խաղայ՝ սրտնեղութեան, սը-
 գոյ և տրտմութեան կը հանդիպի, կամ թըշ-
 նամու հետ կուլի վէրք կստանայ և լաց կը լինի:
 Թէ ձախ աչքի—շատ բարւոյ և ուրախութեան
 կը հանդիպի, հեռաւորին կը տեսնի և կը
 սրտնեղի: Թէ աչ աչքի յետին աղբիւրը
 խաղայ—շատ բարւոյ կը հանդիպի, հեռա-
 ւորին կը տեսնի և կը խնդայ և ինչի որ
 հանդիպի ուրախութեամբ կը վայելէ: Թէ

ձախ աչքի—հարստութեան և մեծութեան
 կը հանդիպի մեծի կը մօտենայ, ազգական-
 ներից կը տեսնի և կուրախանայ, բարու-
 թեան կը հանդիպի և բան կը գտնի: Թէ
 աջ աչքի վերին կողմը խաղայ—
 հարստութիւն է և պատիւ. բարձրանայ,
 ինչ որ ժողովի ցնծութեամբ կըէ, կամ թէ չէ
 արտասուի և սրտնեղի, բայց շուտով ազա-
 տւի: Թէ ձախ աչքի—ատելութիւն է և
 լաց, բայց յետոյ բարի է ուրախութիւն և
 խնդութիւն, կամ—սրտհեշտութեան հիւր
 գայ: Թէ աջ աչքի ներքի կողմն խաղայ
 —հեռու ճանապարհ գնայ, հեռաւորին տես-
 նի, բարի գտնի և ուրախութիւն է: Թէ
 ձախ ազգի—շատ բարւոյ կը հանդիպի, նը-
 պատակին հասնի, ցնծայ և ուրախանայ,
 կամ ազգի ատելութիւն է լացի և սգի կը
 հանդիպի: Թէ աչ պտուղը խաղայ—սրտ-
 նեղութիւն է. թէ ձախը—բարի կը գրտնի:
 Թէ աջ ամբողջ աչքը խաղայ—շատ
 բարիքի կը հանդիպի, սուողջանայ, գժւա-
 րութիւնից ազատւի և հեռաւորը կը գայ: Թէ
 ձախը—շատ և առատ բարեաց հանդիպի,
 մեծերից պատիւ ստանայ, գանձ կը գտնի,
 փառք և հարստութիւն կը վայելէ, բայց
 սրտնեղի և չարանայ: Թէ աջ աչքը ա-
 մեն վայրօք խաղայ—իւր հեռաւոր մար-
 դուն տեսնի. թէ ձախը—հիւանդանայ,
 բայց ապրի: Թէ աջ վերին արտ և ան ուն-

քը խաղայ—իւր հեռաւոր բարեկամը գայ,
տխրի և լայ, բայց ամեն բան իր կամքով
լինի. թէ ձախը—կարևոր հեռաւորին տես-
նի և խնդայ. առողջութիւն և բարի գտնի:
Թէ աջ ներքի արտևանունքը խաղայ
լաց է սրտնեղութիւն, կամ թէ չէ մարդ-
կանցից մեծ բարիք գտնի. թէ ձախը—
լաց է և սրտնեղութիւն, բայց իր հեռաւո-
րին կը տեսնի: Թէ սկաւառակը խա-
ղայ—մեծ մարդուց պատիւ ստանայ: Թէ
քթի աջ կողմը խաղայ—քիչ հիւանդանայ
և ատելութիւնից ու նեղութիւնից ազատւի,
կուրի, վէճի հանդիպի, բայց զօրանայ և
ազատւի շարից: Թէ ձախը—որդի լինի ի-
րան, մենամարտի թշնամու հետ, բայց և
յաղթէ, հիւանդութիւնից առողջանայ
և սիրոյ հանդիպի: Թէ ամբողջ
քիթը խաղայ—մեծերից շահ ստա-
նայ: Թէ քթի ծայրը խաղայ
—պարտքից ազատւի և հարստանայ
Թէ քթի ծայրի աջ կողմը խաղայ—
ցաւի կը հանդիպի. թէ ձախը—իրան հետ
յանկարծ մարդ կուրի: Թէ աջ քթի օղը
խաղայ—մարդու հետ կը սիրահարւի. թէ
ձախը պարտքից ազատւի: Թէ քթի օղը
խաղայ—հարստանայ: Թէ երկու պին-
չը խաղայ—հարստանայ, բայց իւր ամուսինը
մեռնի: Թէ աջ այտը խաղայ—տրտմու-
թեան կը հանդիպի, գործ գործէ և ամաչէ

ժողքը ինչ հիւանդանայ և առողջանայ և մի
տհաճոյ հանգամանքի կը հանդիպի: Թէ ձա-
խը—իրեն որդի լինի և ուրախանայ, սըրտ-
հեշտի և լիութեան հանդիպի: Թէ աջ քնա-
տեղը խաղայ—սրտնեղութիւն է, խիստ
կը հիւանդանայ, բայց կապրի. թէ ձախը—
գուժի ձայն կը լսէ և կտրտմի. ճառագարհ
կը գնայ և իր բանը կը աջողւի: Թէ աջ
եքեսը խաղայ—առողջութիւն է և գանձ
կը գտնի—տեղիցը կը փոխւի և կուրախա-
նայ: Թէ ձախը—քիչ կը տրտմի և կը հի-
ւանդանայ, կը վիրաւորւի և շուտով կը
մեռնի: Թէ աջ կողմի կլափը (ծնոտը)
խաղայ—իւր ճանապարհից կը դառնայ, սըրտ-
հեշտի և շատ բարիքի հանդիպի, կամ քիչ
տկարանայ: Թէ ձախը—իւր ազգականի
հետ կուրի, հիւանդանայ, բայց ապրի բախ-
տաւորի և ուրախանայ: Թէ կզակի աջ
կողմը խաղայ—իւր ազգի հետ կը վիճի և
ապա կը կուրի. փոքր ինչ կը տկարանայ,
նեղութեան մէջ, բայց Աստուած ամեն փոր-
ձանքից ազատ կը պահի: Թէ ձախը—իւր
ազգականներից հեռաւոր ճանապարհորդ կը
գայ, փոքր հիւանդութիւնից կառողջանայ
և կը խնդայ: Թէ սկանջը խաղայ—ազ-
գականից լիութեան և խնդութեան լուր
կառնէ, յանկարծ բարւոյ կը հանդիպի, ա-
մենից կը սիրւի, կը շահւի և կը զւարճա-
նայ, բայց վերջը տկարանայ և կամ ազգա-

կանը մեռնի: Թէ ձախը—հեռաւորը կը գայ, օտար տեղից իրան բարի կը լիշեն, բարի զրոյց կը լսէ, յանկարծ կը խնդայ և կառողջանայ: Մեծերի աչքը վրան կը բաղցրանայ, բաղգաւորութեան կը հասնի, բայց ինքն աչք չունի: Թէ աջ ականջի դմակը խաղայ—մարդու հետ կը կուի, թէ ձախը—բարին կը յիշեն: Թէ աջ ականջի վերին կողմը խաղայ—հոգսի մէջ կնկնի. թէ ձախը—յանկարծ գանձ կը գտնի: Թէ աջ ականջի տակը խաղայ—բարի կը գտնի, բայց ինքը յոյս չունի. թէ ձախը—լաւ չէ: Թէ ամբողջ բերանը խաղայ—սրտով սիրած հեռաւորից լուր առնէ և պատիւ ստանայ: Թէ լեզուն խաղայ—կուի է և խոսովութիւն, սրտնեղութեան և վշտի նշան է: Թէ լեզուի աջ կողմը խաղայ—կը հարստանայ, թէ ձախը—բարիքի կը հանդիպի: Թէ ամբողջ լեզուն խաղայ—մատնիչներից և զրպարտիչներից զգոյշ եղիր և պատրաստ կաց: Թէ վերին շրթունքը խաղայ—մահաւան լուր կը լսի վէճ, խոսովութիւն և ատելութիւն է. կամ թէ չէ հեռաւորը կը գայ. թէ ներքինը—սրտնեղի կը վիճի և կը յաղթէ, իր նպատակին հասնի, հեռաւորը կը գայ և լաւ նշան է: Թէ շրթունքները երկու կողմը խաղայ—խօսք կը լսի և կը վիճի, զաւակից կուրախանայ, մարդկանցից կը

բանբասուի. տրտմութիւն և սուգ է: Թէ ներքին և վերին շրթունքները միաժամանակ խաղան—սիրածին կը համբուրէ: Թէ վերին շրթունքի աջ կողմը խաղայ—կուի և խօսակցութիւն լինի. սրտնեղի և սուգի մէջ ընկնի, կամ ուրախութեան զաւակ լինի. եթէ ձախը խաղայ—սէր է, խնդութիւն և խաղաղութիւն. զաւակ կունենայ բարի և շնորհքով, որի համար էլ յանկարծ կուրախանայ. պարտքը կը վճարի և իւր սիրելին կը գայ: Թէ վերին շրթունքները մէջը խաղայ—կը համբուրի ումը և ցանկանայ. վատ խօսք կը լսի և կը տրտմի Թէ ներքինը—տխրի: Թէ ներքի շրթունքի աջ կողմը խաղայ—ուրախանայ, թէ ձախը—նոյնպէս ուրախանայ: Թէ շրթունքի աջ կողմը խաղայ—ինքն առողջանայ: Թէ ձախը—իրան կտրիճ տղայ լինի: Թէ բոլոր շրթութունքները խաղան—շնորհք ստանայ: Թէ բերանի աջ կողմի կապը խաղայ—կը բարձրանայ և թշնամուն կը յաղթէ, հեռու տեղ կը գնայ և պատիւ կը ստանայ: Թէ բերանի վերի աջ կողմը խաղայ—գանձ կը գտնի, բարւոյ կը հանդիպի, բախտի և մեծութեան կը հասնի, Թէ ձախը—թշնամուն կը յաղթէ, բարւոյ կը հանդիպի, հեռաւորը կը գայ և կուրախանայ: Թէ առաստաղը խաղայ—

արամուկիւն է: Թէ առաստաղի աջ կողմը
խաղայ—բարի կը գտնէ և կուրախանայ:
Թէ ձախը—փոքր ինչ հիւանդանայ, բայց
շատ շուտով կառողջանայ: Թէ աջ թուշդ
խաղայ—թշնամիներեցդ պատրաստ կաց.
Թէ ձախը—մեծ բարուկիւն կը գործես: Թէ
աջ երախը խաղայ—հարստութեան նշան է.
Թէ ձախը—բախտի արժանանայ: Թէ աջ
կողմի կլապանը խաղայ—ուրախանայ և աչ-
քով շատ ու շատ բարիք տեսնի. Թէ ձախը
—բարիք կը գտնէ: Թէ կլափի ծայրը խաղայ—
սակու և դումաշի հանդիպի: Թէ կլափը խա-
խայ—շահի նշան է: Թէ աջ խամ ծիծը խաղայ
բախտաւորի: Թէ ձախը—խնդայ և ու-
րախանայ: Թէ շնչափողը խաղայ սրտ-
նեղութեան զրոյց լսէ: Թէ վզի աջ
կողմը խաղայ—հեռու տեղից իրեն օգուտ
գայ, բախտի կը տիրանայ և մեծութեան
կարժանանայ այնտեղից, որտեղից յոյս չու-
նի. Թէ ձախը—մեծաւոր կը դառնայ և կը
խնդայ. մեծութիւն կտանանայ, կը հարստա-
նայ, աչքովը շատ բարիք կը տեսնի և խըն-
դութեան կը հանդիպի, կամ անպէտք բան
կը գործէ. ազգիցը և մեծիցը անախորժ
խօսք ու զրոյց կը լսէ: Թէ ամբողջ վիզը
խաղայ—մեծ նեղութեան մէջ կնկնի և կեան-
քը կը պակասի: Թէ թիկնամէջի աջ կող-
մը խաղայ—սրանեղութիւն է: Թէ ձախը

անարժան բան կանի: Թէ աջ թիակը
խաղայ—որոգայթից պատրաստ կենայ. Թէ
ձախը—ուրախանայ ամբողջ սրտով: Թէ
թիկնամէջը խաղայ—ինքը կը հարստանայ:
Թէ անթափակը (թևի տակը) խաղայ—իւր
ձեռքի գործից կը բախտաւորի. Թէ ձախը
—մեծութեան կը հանդիպի, խնդութեան և
սիրոյ նշան է: Թէ աջ բէձը (կուան յետևը)
խաղայ—հարստութեան, ցնորքի կամ տըրա-
մութեան նշան է. պատրաստ կաց չարից
և կնոջից: Թէ ձախը—առողջութիւն է: Նոր
բան կը հագնի, իրեն բարիք կը գայ, կամ
թէ չէ անվայել բան կը գործէ: Թէ աջ
թիկունքը խաղայ—նոր շոր կը հագնի:
Թէ ձախը—իր մուրազը կը կատարի:
Թէ աջ ծղիկը խաղայ—գլխացաւով կը հիւան-
դանայ, սակայն շուտով կը լաւանայ, Թէ
ձախը—խնդայ և ուրախանայ. ընկերից ինչ
որ բարիք ցանկանայ կը գտնի: Թէ աջ ար-
մունկը խաղայ իր սրտի սիրածին կը հանդիպի.
լաւ է և բարի, այլ և արքունի գործի մէջ
կը մտնի, բիչ կտկարանայ, գլուխը կը ցա-
ւի, սակայն շատ շուտով կը լաւանայ: Թէ
ձախը—բարի է և խնդութիւն. հիւր կը գա-
կամ օտարից կը վիրաւորի և կը հիւան-
դանայ: Թէ աջ բազուկը խաղայ—կնոջից
կը սիրի, ուրախութեան կը հասնի և իւր
սիրածին կը գտնի: Թէ ձախը—մեծ բարիքի
և շահի կը հանդիպի, մարդկանցից պատիւ

Կը ստանայ և բախտ կը գտնի: Թէ աջ թիւը
 խաղայ—նեղութեան կը հանդիպի. թէ ձա-
 խը բանտ կնստի: Թէ աջ բազուկի ձուկը
 խաղա—գլխացաւութեան կը հանդիպի. թէ
 ձախը—իւր ընտանիքի մասին բարի գրոյց
 լսէ և ամեն ինչ լաւ կը լինի: Թէ աջ ձեռ-
 քի թաթը խաղայ—մեծ է և աղմուկ. մարդ-
 կանցից վիրաւորանք կստանայ: Թէ ձախը—
 բարի կը գտնէ. արծաթի, ոսկոյ և գանձի
 կը հանդիպէ, մեծամեծներից բան
 կառնէ, կամ մարդկանց հետ կը վիճի: Թէ
 աջ ափը խաղայ—բարի գործի կը հանդի-
 պի, կամ կը կուր և կաղաղակէ: Թէ ձախը—
 շատ բարիքի հանդիպի կամ թէ չէ արծաթ
 կը շահի: Թէ աջ բութ մատը խաղայ—մեծ
 մարդուց սիրուի և ոռճիկ ստանայ և յան-
 կարծակի բարիք գտնէ, ազգականները կամ
 եղբայրները իրանով կխնդան: Թէ ձախը—հա-
 րստութիւն է և փառք, բարիքի և գանձի կը
 հանդիպի, ինչ որ ուզի այն էլ կառնի, իւր
 մասին սուտ բան կը խօսեն, որի շնորհիւ
 մեղքի մէջ կնկնի: Թէ աջ ցուցամատը խա-
 ղայ—չարի կը հանդիպի, վատ խօսք կը լսի
 մարդկանցից կը բանբասուի և իզուր կը վի-
 րաւորուի. թէ ձախը—բարի է և ուրախութիւն,
 բարի խորհուրդ կը խորհի, կորցրած խիղճը
 կը գտնէ, գովասանք կը լսէ, ինչ նպատակ
 որ ունի կը կատարուի: Թէ աջ միջի մատն
 խաղայ—վիճաբանութեան մէջ կնկնի և հա-

կսուակորդին կը յաղթէ, ինքը մեծերից բախ-
 տաւորութեան կարժանանայ: Թէ ձախը—
 կուր և սրանեղութեան նշան է, կը վիճի
 և կը յաղթէ. տրտմութիւնից կազատուի,
 բան կգտնի և կխնդայ: Թէ աջ մատանու
 մատը խաղայ—կը հարստանայ և կը շահի,
 խնդրածքը կը կատարուի, իր հեռուոր սի-
 րելին կը գայ: Թէ ձախը իւր բարին կը
 յիշեն, մեծերից կը պարգևատուի, սրտով
 կուրախանայ և իր նպատակին կը հասնի:
 Թէ աջ ճկոյթը խաղայ—մեծ բախտի կը
 հանդիպի, գանձ և հարստութիւն կը գտնի,
 իզուր տեղը կամբաստանուի բայց կազատուի:
 Թէ ձախը—վէճ է և աղաղակ, վատ խօսք
 կը լսէ իր մասին, կամ թէ չէ կը բարձրա-
 նայ և կը հարստանայ: Թէ աջ ձեռքը խա-
 ղայ—մեծերից պատիւ կստանայ կհարստու-
 նայ և կը խնդայ, կամ թող չարից պատ-
 րաստ մնայ: Թէ ձախը—յոյս չունեցած
 տեղից բարիք կը գտնէ, մեծ մարդուց պա-
 տիւ կստանայ, թագաւորից պարգև ու շահ և
 ապա կը հարստանայ: Թէ աջ ձեռքի բոլոր մատ-
 ները խաղան—կը տրտմի կսրտնեղի, բայց
 յետոյ չարը կը հեռանայ իրանից և ամեն
 ինչ լաւ կը լինի: Թէ աջ ձեռքի վերին թա-
 թը խաղայ—նախանձները կզրպարտեն ի-
 րեն, բայց յաղթել չեն կարող: Թէ աջ ուսը
 խաղայ—առողջութեան նշան է և նոր հա-
 գուստ կը հազնի. թէ ձախը—կը խնդայ

Աստուածանից շնորհ կտանայ և մեծերից
կը պարգևւի: Թէ աջ ծիծը՝ կը բախտաւորւի
և կուրախանայ, սիրելիները կը բազմանան
և ծանօթները կը լիանան. թէ ձախը—հե-
ռաւոր բարեկամին կը տեսնի և ակամայից
կը վերաւորւի և կը դժւարանայ: Թէ կրծ-
քի աջ կողմը խաղայ—բարւոյ կը հանդիպի
չարից կազատի, բախտի և մեծութեան կը
հասնի, անարժան գործ կանի և շատ կը զրդ-
ջայ: Թէ ձախը—ամենքը կսիրեն իրան, այն
չարը, որ գալու է Աստուած կը հեռացնի
իրենից: Թէ ամբողջ կուրծքը խաղայ—սի-
րածին արժանանայ, և լաւ համբաւի աւե-
տիք է, կը հարստանայ և սէր կը վայելի:
Թէ սրտի աջ կողմը խաղայ—կշատանան իր
սիրելիները և կուրախանայ: Թէ ձախը—
տրամուրթեան կը հանդիպի: Թէ սիրտը խա-
ղայ—սրտնեղութիւն է և հոգս: Թէ աջ թևի
ներքևի կողմը խաղայ—օտար երկիր կը
մեկնի. թէ ձախը—կհիւանդանայ և շուտով
կառողջանայ: Թէ կողերի աջ կողմը խա-
ղայ—շահի կը հանդիպի և ճանապարհ կը
գնայ. փոքր ինչ կտկարանայ, բայց շուտով
կառողջանայ: Թէ ձախը—իրեն որդի կը
լինի և կամ ճանապարհ կերթայ: Թէ աջ
ոտը խաղայ—կին կաննի և ուրախութեան
զաւակ կը լինի: Թէ ձախը—դարձեալ նոյնն
է: Թէ մէկ ոտը խաղայ—շատ լաւ է: Թէ
աջ կամ ձախ մսանը (սուկին) խաղայ—

կը մեծանայ: Թէ փորի աջ կողմը խաղայ—
կը մեծանայ և կը բախտաւորւի. թէ ձախը
—շատ կը լայ և կտխրի: Թէ ամբողջ
փորը խաղայ—ինչ Աստուածանից խնդրէ
կատարւի: Թէ աջ կողը խաղայ—հիւանդու-
թիւնից կազատւի. թէ ձախը—ճանապարհ
կը գնայ: Թէ կողերի աջ և ձախ կողմերը
խաղան—շատ բարի է: Թէ սրտը խաղայ—
բարիքը կը շատանայ, հոգսերից կազատւի
կին կաննի և կըխնդայ: Թէ փոքր փորի աջ
կողմը խաղայ—կը հարստանայ. թէ ձախը
—կը բախտաւորւի և թշուառութիւնից կա-
զատւի: Թէ ամբողջ փոքրափորը խաղայ—
բարի գրոյց կը լսէ և կուրախանայ, կշատանայ
կարողութիւնը, մի բարի կնոջ կը հանդիպի
և կուրախանայ: Թէ երանքը խաղան—մե-
ծերից մեծ բարիք կը լինի, ինչ որ ուզէ
կաննի, Աստուած խնդրածը կը կատարէ և
իրան արու զաւակ կը լինի: Թէ երանքի աջ
կողմը խաղայ—կը հարստանայ. թէ ձախը—
մեծանայ և ուրախանայ: Թէ վարոցի ծայրը
խաղայ—տունը կը քանդուի, կամ մեծ դրժ-
բախտութեան կը հանդիպի. թէ վարոցը
խաղայ—խնդութիւն և ուրախութիւն է: Թէ
աջ ձուն խաղայ—կը հարստանայ և կծերա-
նայ՝ իւր կամքը կը կատարւի: Թէ ձախը—
օտար կնոջ կըմօտենայ, իրան որդի կը
լինի, պատիւ կտանայ և կուրախանայ: Թէ
երկու ձուն միասին խաղան—շնորհաւոր

որդի կըլինի: Թէ աջ ձևատակը խաղայ—
անյուսակը տեղից պարզև կատանայ, թէ ձա-
խը—ուժ որ ուզի կաննի, կուրախանայ և
կամ սրտնեղութիւն է: Թէ ցայլքը (աճուկը)
խաղայ—կնոջ հետ կննջէ և իւր նպատա-
կին կը հասնի, իր խորհուրդը կը կատարուի
և գործը կը յաջողուի: Թէ աջ ցայլքը խա-
ղայ—իւր գործովը կը բախտաւորուի, թէ
ձախը—մեղքի մէջ կնկնի: Թէ նստատեղին
դէպի ձուն խաղայ—մեծ շարիքի կը հանդի-
պի, իր բոլոր ունեցածը կծախսի, սուգի
կը հանդիպի և անպայման կը տրտմի, բայց
Աստուծով կազատուի: Թէ ձախը—իւր վրայ
կը բամբասեն, մարդկանցից բարիք կատա-
նայ, բայց չի շահի: Թէ նստատեղու ներ-
քը խաղայ—անյոյս տեղից կշահի: Թէ աջ
անդամը խաղայ—բարի է և ուրախութիւն,
ցնծայ և ուրախանայ, բայց տրտմութիւն
էլ է: Թէ ձախը—բարի է, Աստուծով կուրա-
խանայ, նոր հագուստ կը հագնի և կխնդայ,
կամ մարդ կթշնամանայ իւր հետ, պէտք է
զգոյշ լինել: Թէ անդամի դրսի կողմը խա-
ղայ—զօրութիւն է: Թէ աջ անդամի դրսի
կողմը խաղայ—կը մեծանայ և շատ կը բարձ-
րանայ, թէ ձախը—մեծ բախտի կը տիրա-
նայ: Թէ աջ անդամի ներսը խաղայ—սըրտ-
նեղութեան կը հասնի, թէ ձախը—հանգրս-
տութիւն է: Թէ աջ ծունկը խաղայ—մեծա-
ւորի մօտ կը գնայ, մեծութիւն, պատիւ

կատանայ և կամ կը վիճի ու դատարան
կերթայ: Թէ ձախը—մեծաւորի մօտ կը
գնայ, կը բախտաւորուի և կամ վատ խօսք
կլսէ: Թէ աջ ծնկան դրսի կողմը խաղայ—
իրեն կմտնեն, բայց կազատուի, թէ ձախը
—խակոյն կը վրկուի: Թէ աջ ծնկան ներսը
խաղայ—աւետիս կը լսէ, թէ ձախը—դա-
տաստան է, կուրախանայ և կը խնդայ: Թէ
սրունքները խաղան—հարստանայ և մեծե-
րից գովասանք ստանայ: Թէ աջ ամբողջ
սրունքը խաղայ—իւր սրտի երկիւղն անցնի:
Թէ ձախը ամեն նեղութիւնից ազատուի:
Թէ աջ սրունքի ոլոգը խաղայ—լաւ նշան
է, կը վիճի և բարի կը գտնի, մեծաւորի կը
մօտենայ պատիւ կատանայ, կամ իւր մտե-
րիմներից կմեռնի: Թէ ձախը—թշնամուն կը
յաղթէ և կամ սուգ է ու տրտմութիւն,
բայց յետոյ բարի է: Թէ աջ ոլոգի ներսը
խաղայ—սգոյ և լացի կը հանդիպի, իւր սի-
րելին կը մեռնի և կտրտմի: Թէ ձախը—իւր
մատին կխօսեն, խնդութիւն է, սիրելիներեց
ուրախ լուր կաննէ: Թէ աջ կոճի դրսի
կողմը խաղայ—լաւ չէ, թէ ձախը—հան-
գատութիւն է: Թէ աջ կոճի ներսի կողմը
խաղայ—մեծ մարդուց պարզև կաննի և
բարի է, թէ ձախը—անչափ ուրախանայ:
Թէ աջ ոտի թաթը խաղայ—կուրախանայ և
Աստուծով իր գործում կը հաստատուի, ձա-
նապարհ կը գնայ և ուրախ կը վերադառ-

նայ, մեծ մարդու մօտ կը գնայ և կը փա-
 ւաւորւի: Թէ աջ կրունկի ջիւը խաղայ—
 օտարից գրոյց կը լսէ: Թէ ձախը—հարըս-
 տութիւն կը գտնէ և կուրախանայ: Թէ աջ
 ոտի նրբանը խաղայ—ճանապարհ կերթայ,
 վէրք կստանայ, ազգականի համար կտրտմի
 բայց յետոյ կազատուի, բան կը գտնէ կը հա-
 րստանայ և կուրախանայ: Թէ ձախը—մե-
 ծերից իշխանութիւն և պատիւ կառնէ իր
 գործը կը յաջողուի կմեծանայ և կը հարստա-
 նայ: Թէ աջ ոտքի ամբողջ թաթը խաղայ—
 ազգականներից կը հեռանայ կամ ճանա-
 պարհ կը գնայ, իշխանութիւն կը գտնէ և
 կօգտուի: Թէ ձախը—ազգականներից կը հե-
 ռանայ կը սրտմի, փոքր ինչ կհիւանդանայ,
 բայց կապրի, ճանապարհ կերթայ պատիւ և
 իշխանութիւն կառնի ու կբարձրանայ: Թէ աջ
 ոտքի վերին և ներքին երեսները խաղան—
 արդիւնաւոր ճանապարհ կը գնայ, մեծու-
 թեան կը հասնի, յանկարծ կը հարստանայ
 և կուրախանայ: Թէ ձախը—ուճիկ կստա-
 նայ, կըխնդայ ճանապարհին, սէր և բարձ-
 րութիւն է: Թէ ոտքի մէջը խաղայ—մար-
 դու հետ կը կիճի և մի լաւ կծեծուի: Թէ
 աջ կրունկի վերին մատը խաղայ—օտարու-
 թիւն կերթայ և բարի գրոյց կը լսի: Թէ
 ձախը՝ չարիքի մէջ կնկնի: Թէ աջ կրունկը
 խաղայ—մեծութիւն է և կամ իրան կը
 մատնեն, բայց կրկին կազատուի: Թէ

ձախը—կարողութիւն է. նաև ուրախա-
 նայ և խնդայ: Թէ աջ ամբողջ ոտքը
 խաղայ—ճանապարհ կը գնայ. թէ ձախը
 —այնտեղից, որտեղից յոյս բուրբովին
 չունի բարիք կստանայ: Թէ աջ ոտքի
 բուրթ մատը խաղայ—իրենից տրամութիւնը
 կը հեռանայ. թէ ձախը—առողջութիւն է
 անձին, հեռաւորին կը տեսնէ, Աստուծով
 կը բախտաւորուի և կխնդայ, բուրբ կսիրեն
 իրան, կամ թէ չէ ցաւի կը հանդիպի և
 սաստիկ կը հիւանդայ: Թէ աջ ոտի բթա-
 մատի մօտ եղող ցուցամատը խաղայ—կըհի-
 ւանդանայ մերձիմահ, կըարամի և կը վախե-
 նայ, բայց յետոյ բարի կը լինի, փորձանքի
 մէջ կնկնի, բայց կազատուի: Թէ ձախը—հա-
 րստութեան, մեծութեան և խնդութեան կը
 հասնի, կամ սուտ խօսքից կըվիրաւորուի և
 կըտխրի: Թէ աջ ոտքի միջամատը խաղայ—
 սրտնեղութեան նշան է, վշտի և տրտմու-
 թեան մէջ կնկնի, մեծ փոթորիկ կը լինի
 կծեծուի, և չարի կը հանդիպի: Թէ ձախը—
 նոյնն է, կամ թէ չէ շատ մեծ բարիքի հան-
 դիպի և ուրախանայ: Թէ աջ ոտքի ձագ
 մատը խաղայ—սրտի ուզածին գտնի, սիրուի
 և պատիւ ստանայ. կամ կը վիճի ծանօթի
 հետ և թշնամիները կը շատանան. թէ ձա-
 խը—հեռանայ տանից, որդիներից կը բա-
 ժանուի, օտար երկիր կերթայ և մեծ յաջո-
 ցութեան կը հանդիպի, բայց կանայք կը

բամբասեն իրան: Թէ աջ ոտքի ճկոյթը խաղայ—Աստուած մեծութիւն և հարստութիւն կտայ, մեծամեծներից շնորհք կտանայ, մեծ բախտի կը հանդիպի կամ մի բան կը կորցնի. Թէ ձախը—տրտմութիւն է, կռիւ և շար. կամ Թէ չէ առողջութիւն է և բարիք: Թէ աջ ոտքի բոլոր մասները միաժամանակ խաղան—ոտքով ճանապարհ կը գնայ. բարի է. խնդութեան և սիրոյ կը հանդիպի. Աստուածանից պարգև կառնի, հեռաւոր երկրում օտարի հետ կձանօթանայ, բարւոյ և պատւի կը հանդիպի: Թէ ձախը—շատ վատ նշան է: Թէ կռնակի տափակ տեղը խաղայ—խնդայ, ձի հեծնի և բարի ճանապարհ գնայ:



ԲԱՂԴԱԳՈՒԾԱԿ ԸՍՏ ՍՈՂՈՍՈՆԻ



Բ Ա Ղ Դ Ա Գ Ո Ի Հ Ա Կ

Ա.	Բ.	Գ.	Դ.	Ե.
Զ.	Է.	Ը.	Թ.	Ժ.
Ի.	Լ.	Վ.	Ծ.	Կ.
Հ.	Ձ.	Ղ.	Ճ.	Մ.
Յ.	Ն.	Շ.	Ո.	Չ.
Պ.	Ջ.	Ռ.	Ս.	Վ.
Տ.	Ր.	Յ.	Ի.	Փ.

Ք.



Ա

Ամենասուրբ Երրորդութիւնը քեզ կը փրկէ ամեն տեսակ փորձանքից, ըո սրտիցաւը կը փարատուի. Աստուծոց մեծ ուրախութիւն և շնորհք կը գտնես և մեծ պատուով կը բարձրանաս:

Գու, երբ ըո ծնողներից ընծայւեցար — մեծ հիւանդութիւն կրեցիր ու հալածական եղար ըո սղգականներից և բարեկամներից: Քեզ պատրաստ պահիր թէ գազաններից և թէ վատ մարդկանցից, որովհետև առաջդ փորձանք կայ և ըո մասին չարախօսողները շատ են: Գնա և աղօթիր, որ ազատես չարից: Մտածմունքներդ և խորհուրդներդ բարին կը կատարուի: Քեզ օգնողը Աստուած է, ուստի և չես վնասուիլ փառք տուր Նրան:

Բ

Բանն Աստուած, որ մեծ յոյս է նեղեալներին քեզ ևս կը փրկէ ամեն նեղութիւնից և ամեն փորձանքից: Քո սրտի նեղութիւնը կը փարատուի, վիճակդ աւելի կը բարւոքուի:

ինչ բան, որ սկսել ես Աստուած կաշողեցնի. ուստի ինչ մտադիր ես արա. թէ առևտուր անես կը շահուես, թէ ճանապարհ գնաս ողջութեամբ և յաշողութեամբ յետ կը դառնաս, թէ հեռաւոր տեղում մարդ ունիս — կարժանանաս նրա տեսութեանը, թէ հիւանդ ունիս շուտով կառողջանայ. ինչ կորցրել ես կը գտնես:

Գ.

Գնահ, ոչինչ մի հարցնիլ, որովհետև շատ նեղութիւն ունիս. քո առաջ արտմութիւն կայ. մաւան վիշտը քեզ արտմեցրեց և քեզ մեծ նեղութիւն հասաւ ու բարեկամ և օգնական չգտնեց: Քո հայրական ժառանգութիւնից զրկեցար և այժմ ապագայիդ վերաբերմամբ տարակուսանքի մէջ ես: Արդ աղաչիր Աստծուն, որ կործանէ թշնամուդ, քեզ նեղութիւնից ազատէ և քո սրտի ցանկութիւնդ բարին կատարէ: Վերջապէս եթէ երգւիս ծխախոտ չըքաշել, անպատճառ կազատես ցաւերիցդ և մեծ բաղդաւորութիւն կը գտնես:

Դ.

Դու, ով սիրելի, այդ բանի համար միշտ հարցնում ես և մտածում. բայց Աստուած կը փրկէ քեզ ամեն տեսակ նեղութիւնից և

յանկարծ անսպասելի կերպով կհարստանաս այնպիսի տեղից, որ բոլորովին յոյս չունես և կը բացւի քո բախտի դուռը: Թշնամիներդ ամօթով կմնան. հեռաւորիդ կտեսնես. չնայելով, որ մահը քեզ արտմեցրեց, բայց շուտով կուրախանաս: Կամենում ես տեղիցդ ուրիշ տեղ փոխել, մի քիչ համբերիր և ապա փոխւիր, որ բարիք գտնես: Բարով կը պսակես, շատ զաւակներ կունենաս, կը մեծանաս և կուրախանաս: Յոյսդ Աստուծոյ վրայ դիր քեզ բնաւ վնաս չի հասնիլ: Քո տան կործանման պատճառը թղթախաղն է լինելու, զգուշացիր թղթախաղից՝ ինչպէս սև օձից:

Ե.

Երանի քեզ ով սիրելի, որ Աստուած քեզ օգնական է, բայց դու շատ ես աշխատել և հանգստութիւն չես գտել ու քեզ ոչ եղբայրդ և ոչ սիրելիներդ են օգնել: Յաւերի ծովի մէջ մինչև օրս ծփում ես և հանգիստ չես գտնում ով սիրելի, Աստծուն փառք տուր, որովհետև քեզ հասնելու է մեծ ուրախութիւն, մեծ առողջութիւն և այնպիսի բախտ ու հարստութիւն, որով բոլոր դժբախտութիւններիդ դէպի բարին են դառնալու: Բայց մեծերիցդ և ընկերներիցդ պատրաստ կաց. քո դէմ որոգայթներ են լարում: Յան-

կարծաման կը լինես, եթէ արքեպոսոսթիւնից
ձեռք չվերցնես և քեզ չպահես:

Զ.

Զարմանում եմ քեզ վրայ, սվ մարդ,
միթէ անցեալ վիճակդ չես յիշում, որ ներկադ
խոնհեմութեամբ կարգաւորես: Այլ և ձախ
ապտակում ես, իմացած եղիր, որ վերջը
լաւ ապտակ կուտես: Մեծանալու համար
ես մտածում, միայն չես ուղում կատարել
Աստուծու խօսքը, որ ասում է. «Նեզ եղէք,
անյիշաչար եղէք»: Իսկ դու նստել ես սա-
տանի ձիուն քո էջն ես քշում, ուստի, ըն-
կնելու ես բարձրութիւնիցդ: Քիթդ կեռ
անցրած կը տանեն և քո այդ ստոր վիճակի
մէջ պար կածեն և վրադ կը ծիծաղեն,
ուրեմն քանի վաղ է, բնաւորութիւնդ փո-
խիր, ամբարտաւանութիւնդ մի կողմ դիր,
որ կրկին մարդկանց կարգն անցնես, ապա
թէ Յոջ՝ վնայ քեզ:

Է.

Էնն Աստուած քեզ հետ է: Կանես ինչ
որ մտածում ես, ուրախ կը լինես և կա-
գատես չարից ու փորձանքից: Ծնորդակալ
եղիր Ածածուց որ հանեց ամեն ներութիւնից
ու որոգայթից: Որովհետև դու բարի ես կա-

մենում, ուստի Աստուած քո բոլոր գործերը
կըյաջողեցնի—որին ցանկանում ես—կըտես-
նես, ինչ որ կորցրել ես կը գտնես, թէ
հիւանդ ունես կառողջանայ, թէ տուն շի-
նես կամ երկրագործութեամբ պարապես
բարի կը գայ և շատ արդիւնաւոր կը լինի:
Կախարչներից պատրաստ կաց. մեծերիդ
հաւատարիմ ու խոնարհ եղիր, բայց եթէ
ուզում ես այդպիսի լաւ վիճակում մնալ՝
եկեղեցի գնան և, աղօթք արա:

Ը.

Ընդունեցիր շարութիւնը ոչ թէ ուրի-
շից, այլ քո հաւատարիմ ընկերոջիցը, քո հացն
ուտողից: Քեզ համար դժւար պայմաններ
ստեղծւեց, քո ազգականների և բարեկամ-
ների վատ գործերից տրտմեցիր. քո սի-
րելիները քեզ ծաղրեցին, քո տանը աւերում
եղաւ ու երկրի վրայ տխուր շրջեցիր:
Այժմ գոհացիր Աստուծուց, որովհետև քեզ
վրայ մեծ ուրախութիւն է գալու, մեծ վի-
ճակի, մեծ բախտի և ուրախութեան ես
հանդիպելու: Ում որ ուզես կը տեսնես, թէ
ձանապարհ գնաս բարով յետ կը գառնաս,
ինչ գործ բռնես, Աստուած կը յաջողի: Այն
ուխար, որ խոստացել ես Աստուծուն կատա-
րիր, Ս. Էջմիածնին ոսկեղէն թանկագին
ընծայ տար, որ բախտիդ պտուղը մինչև

մանդ վայելես, ապա թէ ոչ յանկարծ ամենիցը կզրկուես և դատարկ կմնաս:

Թ.

Թոյլ և ծոյլ ես. բարութեան մէջ առաջ չըգնացիր. ինչ որ ունէիր — նրանից զրկեցիր քեզ օգնական չկար, ոչ եղբայր և ոչ սիրելի: Բայց դու քո ասածի ես, աղօթք չես անում և եկեղեցի չես գնում. Ուստի դրա համար դու նեղութեան մէջ ընկար, օտար երկիրներ շրջեցիր, բայց չվնասեցար: Եթէ դէպի բարին չդառնաս, քո վրայ Աստուած կը բարկանայ, քո հարստութիւնը կը հափշտակեն, տունդ կաւերւի, քո ձեռքի գործը չի յաջողւիլ. ում ցանկանաս չես տեսնել, ինչ որ կորցրել ես չես գտնիլ: Իսկ եթէ դառնաս դէպի Աստծոյ ուղիդ ճանապարհը, նա քո առաջ փակած դուռը կը բանայ՝ իր բարիքը կաւելացնի: Գնա, աղօթք արա Աստծուն և ուխտդ կատարիր, մոմեր վառիր, որ տանջանքիցդ ազատուես:

Ժ.

Ժամ առ ժամ առաքինութիւններդ աւելացնում ես, ուստի քո ձեռքում ինչ բան որ ունես Աստուած կը յաջողի. այս է քո սրտի խորհուրդը: Աւետիս տուր քո անձին,

որովհետև ձեռքիդ գործովը անչափ ուրախանալու ես և մեծ օգուտ ու շահ ես գտնելու: շատերը քո ձեռքի վաստակը կուտեն: Գուշատ ծանր հիւանդացար, նոյնիսկ մերձիման եղար, բայց Աստուած քեզ նեղութիւնից ազատեց: Հեռուոր տեղից, որ բոլորովին յոյս չունես քեզ բարիք է գալու, քո տըրամութիւնը ուրախութեան կը փոխւի. դու բարի ես կամենում Աստուած էլ քեզ դէպի բարին կառաջնորդէ. քեզ մի շատ գեղեցիկ և բարի տղայ կը լինի: Գնա Աստծուն աղաչիր և երուսաղէմի ս. Յակովբեանց վանքին մեծ ուխտ կատարիր, որ իր ողորմութիւնը միշտ քո վրայ լինի: Թէ ճանապարհ գնաս բարով յետ կըգաս և բարիքի կը հասնես:

Ի.

Իմաստունի պէս աշխատասէր եղիր. եկեղեցի գնա, միշտ աղօթիր, որ քո տըրամութիւնը ուրախութեան փոխւի: Հեռուոր տեղից աւետեաց ձայն կլսես կամ հեռուոր մարդ կը տեսնես և Աստուծով առողջութիւն կը գտնես, տեղից տեղ փոխւելը քեզ յաջողութիւն կը բերի, կառողջանաս կը կազդուրուես, ամեն դժուարութիւնից կազատուես և ինչ նպատակ որ ունես, ինչ գործ որ կամենաս անել, աներկիւղ գնա և արա իմացած եղիր, որ մեծ արդիւնք կուեննաս և քո առևտուրդ լաւ կը լինի:

աղջիկ, բոլորն էլ սիրուն և մնացող: Մահը տրտմեցրեց, իսկ Աստուած ուրախացրեց: Ինչ խորհուրդ որ ունես գնահարձ, կը շահես և բարի կը գտնես: Քո աշխատանքից շատերը կուտեն: Աստուծոց և թագաւորից պատիւ կառնես—չը հպարտանաս, բերանիցդ հայհոյեանք չըհանես, կախարհների չդիմես, որ Աստուծոյ բարիքը մինչև մահդ վայելես, ապա թէ ոչ բոլորից յանկարծ կը զրկես:

Ծ.

Ծովի նման է քո հասկացողութիւնը սով մարդ, թէև դու քո հայրենական ժառանգութիւնից զրկեցիր, ծնողներիցդ չըխնդացիր, դժբախտ ես, որովհետև ամեն մարդ քեզ զրկել է: Ուստի աղաչիր Աստուծուն և ուխտ կատարիր Մայր Աթոռին, որ օգնէ և փրկէ քեզ: Քո առաջ մեծ փառք եմ տեսնում. այս ինչ մեծ բախտ է, որ զարիս է քեզ. անա քեզ աւետեաց ձայն կը գայ և դու կը խնդաս.—կուրախանաս, յանկարծ կը հարստանաս և կը արձրանաս ու մեծ պաշտօն ձեռք կը բերես: Այս չէ բոլորը. քեզանից մի իմաստուն զաւակ կը ծնի, երկար կեանք կունեսայ և քո ամենամեծ մխիթարութիւնը կը լինի:

Լ.

Լոյսից փախչում ես խաւար ես սիրում, անա տեսնում եմ քեզ և քո խորհուրդը որ դու նմանում ես ծովի ալիքներին և ինչպէս ճնճողուկ, որ ընկնում է որսորդի ձեռքը, դու էլ նմանապէս կնկնես բռնաւորների ձեռքը: Իսկ եթէ յետ չդառնաս քո շար գործերից, դու նեղութիւն կը քաշես և տունդ կը յափշտակւի: Դու կը հալածուես և մահաւան ցաւը քեզ կտրտմեցնի, օտար երկիր կերդաս: Գնա Աստուծուն աղաչիր, որ քեզ փրկի այդ անյուսալի վիճակից և նեղութիւնից: Աղօթքով և եղբայրներից օգնելով կարող ես քեզ լոյս աշխարհ դուրս բերել և կրկին քո նախկին փառքին տիրանալ:

Խ.

Խաղաղարար ես դու սով մարդ, և այդ պատճառով Աստուծոյ ողորմութիւնը կը լինի քո վրայ—քո ամբողջ կեանքիդ մէջ: Դու օտար աշխարհ եթէ գնաս այնտեղ կը բախտաւորուես, որին որ ցանկանաս—կտեսնես, ինչ կամենաս կանես, ինչ որ կորցրել ես—կը գտնես, քեզ Աստուած շատ շնորհք է տւել: Դու կունենաս երեք տղայ և երկու

Կ.

Կամակոր ես դու ով մարդ, քո վայրենի բնութիւնը մեղմացրու, խոնարհ եղիր, խրատները լսիր, քաղցածներին հաց տուր և ծարաւներին ջուր: Եթէ քո կամքից չգառնաս, մեծ նեղութեան մէջ կնկնես, տունդ կը կործանւի, ինչ գործի ձեռնամուխ լինես՝ չի յաջողւիլ և ինչ ցանկանաս չես հասնիլ, ինչ կորցրել ես չես գտնիլ: Եթէ Աստուծու ճանապարհին դռնաս և Նրա պատւիրանները պահես՝ Նրա ողորմութիւնը քո վրայ կը լինի, մեծ մարդկանցից կը հարստանաս և քո փառքը կը շատանայ:

Զ.

Հաւատով ես դու ով մարդ, աչքդ լոյս, դու ամենքին բարի ես կամենում. Աստուած քեզ միշտ բարին կառաջնորդէ ու կը փրկէ քեզ ամեն որոգայթից: Կունենաս 4 տղայ, կը լինես ամենքի ցանկալին, քո հարստութեանը վերջ չի լինիլ. այլև Աստուած քեզ կտայ փառք և մեծութիւն: Ուրեմն միշտ եկեղեցի գնա՛, աղօթք արա, որ շարունակ վայելես Աստուծոյ ողորմութիւնը: Աստուծոյ համար տուն շինիր, որ քո տունը յաւիտեան հաստատ մնայ:

Զ.

Չայն, բայց ինչ ձայն եմ տալիս քեզ ով մարդ. դու քո ազգականներից և շատ բաներից զրկւեցար. քո հայրենի տունը աւերակ դարձաւ և դու երկրիս վրայ թափառական շրջեցիր. մահը քեզ տրամեցրեց, որից օգնութիւն էիր խնդրում երեսը քեզանից յետ էր դարձնում: Այժմ փառք տուր Աստուծոն, որովհետեւ քո վիճակը փոխւեց և քեզ մեծ ուրախութիւն է գալու: Դու յանկարծ հարստանալու ես. կը շատանայ քո կարողութիւնը, ոսկին և արծաթը: Թէ հեռաւոր ունես կը գայ, և ինչ խորհուրդ որ ունես կը կատարւի: Ուստի քո հարստութիւնից ազգիդ և հայոց Մայր Աթոռին եթէ բաժին հանես — այնուհետեւ քո հարստութեանը վերջ չի լինիլ. ուրախ կաց:

Զ.

Ղամբարափայլ լոյսը քեզ վրայ ծագեց. քո կապանքներին արձակումս տրւեցաւ. ինչպէս որ մոզերն արևելքից ելան և եկան Քրիստոսին գտան և ուրախացան նոյնպէս և դու կուրախանաս քո գործերով և նպատակներիդ իրագործումով: Եթէ ու-

դու՛մ ես ճանապարհ գնալ գնա՛, բարով
կվերագառնաս և բարի կը գտնես: Ինչպէս,
որ Մովսէս մարգարէն Փարաւոնին և եգիպ-
տացիներին յաղթեց, նոյնպէս և դու կը
յաղթես քո թշնամիներին. ինչ խորհել ես
գնա և արա՛: Եթէ կամենում ես նշանել
հարսնացուդ Աստուծոյ ընտրածն է, դու
նրա հետ բախտաւոր կապրես: Աստուծ
քեզ դէպի բարին կառաջնորդէ և շատ էր
կը հարստանաս միայն յիշիր ազգիդ և եկե-
ղեցուդ:

Ծ.

Ճշմարիտ է դու քո մանկութիւնից
հալածական եղար և պանդխտութիւն
կրեցիր, ազգերից և անօրէններից վախե-
ցար, բայց մի տխրիր հասել է քեզ համար
մեծ ուրախութեան օրը և քո դրութիւնը
կը բարւոքւի: Ի՞նչ որ խնդրես Աստուծոն—
կստանաս, եթէ ճանապարհ գնաս բարով
յետ դառնաս:

Մ.

Մարդ ես թէ կին ես, շատ վատն ես,
նենգաւոր ես, նախանձոտ և մատնիչ. ամեն
բանի վնասուում ես և զրկուում ես ինքդ էլ:
Ազան ես, տնաքանդ ես, չարութիւնդ քեզ-

նից հեռացրու. ընկերներիդ մասին չար մի
խորհիր, որ մեծ նեղութեան մէջ չնկնես: Մեծ
պատիժ կայ քո առաջ: Ծնողներից և զաւակ-
ներից չխնդացիր, որովհետեւ բոլորն էլ քո
հոգին ունէին: Ինչ զործի էլ ձեռք տաս—
քեզ չի յաջողիլ. իսկ եթէ դառնաս դէպի
Աստուծոյ կամբք. ընկերներիդ և մարդկանց
նենգութիւն չանես՝ Աստուծ իր ողորմու-
թեան նշոյլը կը ծագէ քեզ համար,
որով քեզ վրայ եկող մեծամեծ պատիժները
կը թեթևանայ:

Յ.

Յոյսդ դրել ես Աստուծոյ վրայ, այդ
պատճառով էլ քեզ աւետիս կտամ, որ վի-
ճակդ բարին կատարւի: Մի մեծ հարստու-
թիւն ես ժառանգելու, տարին քո բախտի
յաջողութեան տարին է. երանի քեզ նշան-
նելու և պսակելու մտադրութիւն ունես.
մի տարակուսիր և մի վախենար, գնա արա,
որովհետեւ քո խորհուլը բարին է կատար-
ւելու: Ինչպէս որ լուսինը խաւար գիշերն
է լուսաւորում, այնպէս էլ կը լուսաւորւի
քո միտքը. ինչ խորհում ես կը կատա-
րւի, ում ցանկաս կը հասնես, մեծերից բարի
կը գտնես և աւետեաց ձայն կը լսես ու կը
խնդաս: Թշնամիդ կը զղջայ և կը դառնայ
քո բարի ընկերը: Երուսաղէմի Ս. Յակոբ-

եանց վանքին ուխտ արա, և մի թանկար-
ժէք ոսկեղէն ընծայ տար, որ աւետեաց
լուրերը քո գլխից անպակաս լինի:

Գ.

Նենգաւոր և վնասակար ես դու սիվ
մարդ, մեծ վտանգ կայ քո առաջ—նենգու-
թեան մէջ կնկնես: Շատերը մտածում են
քեզ չարիք գործել և դու չես իմանում քո
գլխի կորուստը, որովհետև չես կատա-
րում Աստուծոյ կամքը: Ինչ նպատակ որ ու-
ունես չի կատարելի: Թէ ջանապարհ գնաս
քեզ բարի չի լինի, բայց եթէ դառնաս
չարութիւնիցդ և քո խոստացած ուխտը
կատարես—յաջողութիւն կը գտնես:

Ը.

Շնորհալի ես դու սիվ մարդ. քո առաջ
շատ բարիք եմ տեսնում. մեծամեծներից
պարգև կտանաս, կուրախանաս և բարւոյ
կը հանդիպես: Կխնդաս զաւակից և քո ամուս-
նուց և կը լինես բարի յիշատակ քո ծնող-
ների համար: Աստուծոց ինչ որ խնդրես—
կառնես. թէ հեռաւոր ունես—կգայ և կտես-
նես, թէ հիւանդ ունես—կառողջանայ և
օրէց-օր կլաւանայ: Ծխելուց և արբեցո-
ղութիւնից զգոյշ կաց. կեանքիդ վնասը և
մահը դրանցից է առաջանալու:

Ո.

Ոսկու նման մաքուր ես դու սիվ մարդ:
Դու պարտաւոր ես ամեն ժամանակ Աս-
տուծուց գոհանալ, որ թէև տրտմել ես, բայց
կրկին ուրախաւալու ես և Աստուծոյ շնորհը
քեզ վրայ է լինելու: Բայց չար մարդկան-
ցից պատրաստ կաց: Աստուծուց պարգև և
շնորհ կառնես և զաւակներից կը խնդաս,
ամենին ցանկալի կը լինես. քո հարստու-
թիւնը երբէք չի պակասիլ: Եթէ տեղիցդ
փոխուես ուրիշ տեղ գնաս բարւոյ կը հան-
դիպես. աւետեաց ձայն կը լսես և հեռա-
ւոր մարդ կտեսնես. քո մահը լաւ օր կը
լինի, երազը, որ տեսել ես—բարի է:

Զ.

Չարեկամներդ շատ էն սիվ մարդ, բայց
դու ամենից կը փառաւորուես. մեծ պարգև
կտանաս և իշխանութեան կը հասնես.
Թշնամիդ ամօթով կմնայ քեզ ժօտ. օտար եր-
կիր կը գնաս կրկին ու կրկին պարգև կառնես
ամեն նեղութիւնից կազատուես. քո փառքը
շատ մեծ է լինելու, ում որ ուզենաս բարով
կտեսնես և ում ցանկաս—կը հասնես: Դու
բարի ես, բարութիւնը Աստուծոյ շնորհք է.

Թագաւորի սէրը և մեծամեծների պատիւը, քո վրայ միշտ հաստատ է լինելու: Երանի քեզ:

Պ.

Աստուած քեզ բարիքի պարգև կտայ. Աստուծով քեզանից չարը հեռացաւ և բարին մօտեցաւ: Դու իմաստուն ես և ամենքին խրատում ես, միայն քո անձը չար կամեցողներից չես պահում, որոնք քո հացն են ուտում և ուզում են քո դէմ շարութիւն անել: Սակայն Աստուած քեզ հետ է, և ինչ որ գործես նա քեզ դէպի բարին կառաջնորդէ: Աստուծուն ապաւինիր, նա կը կործանէ քո թշնամիներին և կազատէ քեզ ամեն որոգայթից ու դու բոլորի ցանկալին կլինես. քո հարստութիւնը երբէք չի պակասիլ:

Ջ.

Ջրի պէս դադար չունես. մեծ էիր խոնարհեցար, մտածում ես, բայց չես կարողանում մի խորհրդի վրայ կանգ առնել: Մի տրամիր, քեզ մեծ ուրախութիւն է գալու. դու բարի ես կամենում և Աստուած քեզ բարին կառաջնորդէ: Տրամութեան փոխարէն դու կուրախանաս: Աստուծոց մեծ

չնորհք կառնես. զնա և գործիր, մի տարակուսիր. թէ վաճառականութեամբ զբաղւես՝ կշահւես, թէ ճանապարհ զնաս՝ ողջութեամբ յետ կդառնաս. դու քո բաղդի վրայ տարակուսած ես Աստուած կբանայ քո բախտի դուռը և փառքդ կմեծանայ, մեծամեծերից էլ պարգև ու ընծաներ կստանաս: Ազգիդ պէտքերին միշտ օգնութիւն հասցրու, որ միշտ հարուստ և երջանիկ ապրես:

Ռ.

Ռեբեկայի և Ռաբելի բաղդն ունես. հօրդ տանից կհեռանաս, բայց մեծ բախտի կը տիրանաս. որդիներով կը բազմանաս, կեանքիդ արևը կը կշտանայ: Տրամութիւն չես տեսնիլ. բայց — շարակամներ շատ ունես. եթէ քեզ պահես ամուսնուդ հաւատարիմ լինես, երանի քեզ էլ բնաւ վատ օր չես տեսնել: Ամեն տեսակ բարիքից էլ կը լիանաս խորին ծերութեան կը հասնես և բարի մահի կը հանդիպես: Եթէ ոսկի զարդերը և թանկագին շորերը քեզ գլխահան չանեն դու կը լինես աշխարհիս առաջին բախտաւորներից մէկը և այն ժամանակ բոլորը երանի կտան քեզ: Այսքանը բիշ է. քեզ փառք տւողին փառք պէտքէ տաս թէ սրտով և թէ գործերով: Եթէ մի որք աղջիկ պահես և ուրախութեամբ բաղդաւորացնես, այն ժամանակ ճիշտ որ երանի քեզ:

Ս.

Ստախօս ես դու սով մարդ, որքան ամբարւած չարիք եմ տեսնում քո սրտում: Կեանքիդ համար ի՞նչ ես հարցնում, ինչ ես յիմարացել. ի՞նչ ես դուռն է դուռ ընկել և պաշտօն աղաչում դու, հաստագլուխ— թէ արժանաւոր ես թող պաշտօնը քեզ որոնէ, եթէ դու պաշտօնի ետևից ես ընկել, նա քեզնից կը փախչի. իսկ եթէ բռնեցիր նա քեզ գետին կը գլորէ ու կրկին կը փախչի, որովհետև դու խելքդ փառամոլութեամբ կորցրել ես. քո նախագծերը չեն կատարւի, որովհետև դու չար ես խորհում բոլորի համար, ուստի և չարը գլխիցդ չի պակասիլ: Չարութիւնը մտքիցդ հանիր քո ընկերներին և առհասարակ մարդկանց համար չարութիւն մի մտածիր, թէ չես լսիլ տաժանակիր փորձանքների կը հանդիպես: Խորամանկ աղւէս, դու շնացող էլ ես. շնութիւնից ձեռք վերցրու, արբեցողութեանդ վերջ տուր թէ չէ վայ, մեծ վայ քեզ:

Վ.

Ով սիրելի, Աստուծոն փառք տուր. վարդեր են բացւում քո առաջ, քեզ մեծ ու-

րախութիւն է գալու, քո աշխատանքից շատ մարդ կուտի. Աստուած կտայ քեզ մի շատ ուրախ և գեղեցիկ զաւակ, հեռաւոր տեղից աւետեաց ձայն կլսես, ամեն կողմից յաջողութիւն կը գտնես. գնա և ինչ որ մտադրութիւն ունես արա, ամեն կողմից յաջողութիւն ունես: Վատ ընկերներից ըզգոյշ կաց. ծխախոտից ձեռք վերցրու ապա թէ ոչ նրա կրակից քեզ վնաս է գալու, իսկ ծխից կոյրութիւն և թորբախտ:

Տ.

Տէր Աստուածածին, փառք տուր քեզ ով մարդ, ուրախութիւն եմ ուղարկում քեզ դու տարակուսած ես. եթէ որևէ մէկին բան տաս կուով յետ կառնես, ում որ բարի ես անում նա քեզ չար է մտածում անել: Գու աղօթքից և աղաչանքից մի դադարիր, քեզ մեծ ուրախութիւն է գալու, որովհետև քեզ վիճակախաղում մեծ հարստութիւն է ընկնելու, մեծ, նշանաւոր բախտի և փառքի առաջ ես կազմելու եթէ հեռաւոր ունես կը գայ, եթէ հիւանդ ունես կառողջանայ: Մի խօսքով երանի քեզ, երանի եկեղեցիներին, գալրոցներին, չքաւորներին ուրախ սրտով օգնելու ես նրանց: Թղթախաղից բոլորովին հեռու կաց, ապա թէ ոչ ունեցած հարստութիւնդ և պատիւդ մի օր-

ւայ մէջ կը կործանես: Որք տղաներ պահիր
և ուսման տուր, որ միշտ երջանիկ ապրես:

Բ.

Ուրախացնում եմ քեզ, ո՛վ մարդ, դու բարի
ես և Աստուած քեզ բարին կառաջնորդէ.
ու՛մ ցանկաս. — կը հասնես, բայց քո թշնա-
մինները շատ են: Յիմարները քո մասին վատ
են խորհում, սակայն դու մի վախենար,
որովհետև քեզ Աստուած է օգնում: Կամե-
նում ես ճանապարհ երթալ, մի վախենար
գնա՛, ուր որ գնաս ո՞ղջութեամբ կը վերա-
դառնաս, ինչ խորհուրդ որ ունես Աստուած
կը յաշողի: Միայն հնազանդ եղիր ծնողացդ և
մեծերիդ ու հաւատարիմ ամուսնուդ: Գի-
նուց զգուշացիր: Եկեղեցի յաճախիր, ուխտդ
կատարիր: Եթէ եռանդուն մասնակցութիւն
ունենաս ազգիդ գործերին՝ կարող ես ան-
ւանդ փայլը միշտ պայծառ պահել:

Յ.

Ցաւերը քեզանից հեռացան ո՛վ մարդ,
քո առաջ շատ բարիք կայ. մեծամեծներից
պարգև կառնես, կուրախանաս և բարիքի կը
հանդիպես, կխնդաս զաւակից և ամուսնուց
կը լինեն ծնողներիդ համար բարի յշատակ:

Եթէ տեղիցդ որևէ տեղ փոխելու լինես:
չես հաստատելի, որովհետև ամեն կողմից
քեզ շրջապատել են նենգաւորները. մար-
դկանցից բազմ չունես, քո բարիքը ամբող-
ջովին Աստուաց է: Աստուած քեզ կտայ իր
ողորմութիւնը և ամեն դժւարութիւնից և
նեղութիւնից կազատես: Թղթախաղից զգոյշ
կաց — քո մեծ թշնամիդ թղթախաղն է:

Լ.

Ով մարդ, չարը քեզանից հեռացաւ և
բարին մօտեցաւ, անօրէն մարդկանցից
փրասներ կրեցիր, քեզ հալածողը և քո թըշ-
նամին քո ազգն եղաւ. բայց դարձեալ պատ-
րաստ կաց քո թշնամիներից, քո առաջ
փորձանք կայ, բայց պէտքէ ազատես, միայն
եթէ քո մի քանի մոլորութիւններից կը
երդւես, որ ձեռք կը վերցնես — անպատճառ
կազատես, ապա թէ ոչ՝ վայ քեզ:

Վ.

Փախիր անզգամ մարդուց, որ ապա-
գայում վնաս չկրես: Բան ունես կորցրած,
սակայն մի տրտմիր, կորուստդ կը գտնես:
Ինչ նպատակ որ ունես Աստուած կը կա-
տարի, բայց քիչ համբերող իղիր: Դու տըրտ-

մելու ես, սակայն Աստուած կազատէ քեզ այդ տրտմութիւնից: Քո առաջ մեծ ուրախութիւն կայ: Դու նման ես Աբրահամին, որին Աստուած սիրեց և տրտմութիւնից ազատեց. դու էլ կազատես տրտմութիւնից և ամեն չարից: Եթէ թղթախաղից և ծխելուց հեռու պահես քեզ ամենաբախտաւոր մարդը կը լինես դու աշխարհի երեսին:

•••

Քեզ ո՞վ մարդ ամենն էլ սիրում են. բայց կայ մէկը, որ չարախօսում է բո մասին և հոր է փորում քո առաջ, սակայն չի կարող վնասել քեզ: Գնա Աստծուն ու խտ կատարիր, որ շատ չարից քեզ փրկէ, որովհետեւ հասել է քեզ մեծ նեղութիւն և դու կարող ես տուժել: Պոռնիկ կանանցից քեզ զզոյշ պահիր, ապա թէ ոչ յաւիտեան կը զզջաս, սակայն այն ժամանակ արդէն ուշ կը լինի: Դու նման ես Յակոբին, որին Աստուած փրկեց ու մեծ փառքի ու բախտաւորութեան հասցրեց: Եթէ դու շնութիւնը ատես, մաքրութիւնը սիրես և ամեն կիրակի օր եկեղեցի գնաս բախտաւոր, հարուստ և երջանիկ կը լինես և քեզ վի-

ճակով անպատճառ մեծ հարստութիւն է ընկնելու: Եթէ դպրոցներին ու չքաւորներին և որ գլխաւորն է չմոռանաս եկեղեցիներին բաժին հանել, շատ երկար տարիներ բախտաւորութեան մէջ կը լինես:





V.

ԱՐԻՒՆ ԱՌՆԵԼՈՒ ԼԱԻ ԵՒ ՎԱՏ ԺԱՄԱ-
ՆԱԿԸ ԸՍՏ ԼՈՒՄՆԻ ՅՈՒՅՄԱՆ

Լուսնի առաջին օրը—լաւ չէ, բորոտութիւն կ'բերէ: 2 և 3 օրը—արիւն մի առնուր, որովհետև հիւանդութիւն կառաջանայ: 4-ը 5-ը և 6 ը արիւն մի առնուր, որովհետև եթէ առնես արիւնը կը պակասի և դու կ'հիւանդանաս: 7 և 8 ը արիւն մի առ եթէ արիւն թողնես, միևնոյն է ինչ էլ որ ուտես բեզ ուժ չի տայ և սիրտդ կսկսի դողալ: 9 ը-լաւ չէ, եթէ արիւն թողնես երեք անգամ երեսիդ գոյնը կը գնայ: 10 և 11-ը լաւ չէ: 12 և 13-ը արիւն թողնելը—լաւ է մարդու կը գէրացնի: 14-ին արիւն չառնես—կը հիւանդանաս: Լուսնի 15-ին առնասարակ, ոչ մի ժամանակ արիւն մի թողնիր կը դողացնես և ինչ որ ուտես ու

խմես բոլորը կ'փոխես: 16-ին բարի է, եթէ ինարկէ տարէնը մի անգամ առնես: 17-ին եթէ առնես ամբողջ տարին առողջ կը լինես: 18 և 19-ը լաւ չէ: 20-ը շատ բարի է, ինչ որ ուտես կը մարսես: 21-ին բարի է, մարդ առողջ կը լինի: 22-ին—լաւ է, մարդու կը պնդատրտի: 23-ին—լաւ է սիրտդ ուրախ կը լինի: 24-ին բարի է: 25-ին և 26-ին լաւ է: 27-ին ով էլ արիւն առնի յանկարծաման կը լինի: 28, 29, և 30-ին լաւ չէ, ոչ արիւն առնելը և ոչ էլ որևէ դեղ խմելը:

Չ Ա Ր Ա Ս Տ Ղ Ը

Այս է չար աստղը, որ յայտնեց Աստուած Յիսուայ բահանային և ասաց. « Երբ երեսիդ դէմ լինի մի գնար, բարի գործ շինիր, թողթ մի գրիր: Հիմք մի ձգիր, մի վարիր, մի տնկիր: Սորանով յաղթեց Յեսուա բահանան Իսրայէլի որդոցը այն ժամանակ, երբ կռուպաշտ էին: Լուսնի 1, 11, 21-ին արևելքն է, 2, 12, 22-ին հարաւ-արևելքն է: 3, 13 և 23-ին հարաւային կողմն է: 4, 14, և 24-ը հարաւ-արևմտեան կողմն է: 5, 15 և 25-ը արևմտեան կողմն է: 6, 16 և 26-ը հիւսիս-արևմտեան կողմն է: 7-ին, 17-ին և 27-ին—հիւսիսուս, 8-ին 18-ին և 28-ին հիւսիս-արև-

եղբի մէջն է. 9-ին, 19, 29-ին անգունդը կը լինի. 10-ին, 20-ին և 30-ին երկինքը կը լինի:

ԲԺՇԿԱԿԱՆ ՄԻՋՈՑՆԵՐ ՀՍՁԻ ԴԷՄ

Սխառը խորովիր և պճեղը մեղրի մէջ թաթախիր կեր, կամ սխառը եփիր մեղրով կեր: Կամ թէ՛ խորոված բոխկը տաք-տաք մեղրով կեր: Կամ վարդը զինին և մեղրը իրար խառնիր և կեր: Կամ նուշը աղա, մեղրով խառնիր և առաւօտ-երեկոյ մի-մի գդալ կեր երեք օր շարունակ, և կամ մի-անպալին, որ ամեն անտառի մօտ գտնուում է վերցրու և առաւօտեան-երեկոյեան կեր:

Ճ Ի Ճ Ի Ի Դ Է Մ

Վերցրու գեղձը և տերևը, ջուրը քամիր, առաջ խմիր կաթը, որ ճիճուն կաթի մէջ հաւաքւի, յետոյ խմիր գեղը, որ անմիջապէս հանի երկար կոլոր և տափակ ճիճուները:

Ա Տ Ա Մ Ա Յ Ա Ի Ի Դ Է Մ

Կանաչ գորտի ճրագուն՝ եթէ իրան հասցնես— գուրս կը գայ: Եղինջ խօտը եփիր և բերանդ նրա գոլորշու վրայ բռնիր

և կամ մանանեխն ու ընկոյզը անապական զինով եփիր և բերանդ առ ողողիր և դեն ածայ:

Մ Ա Յ Ա Մ Ո Ի Լ Ի Դ Է Մ

Ուղտի մէզը երեք անգամ անօթի ժամանակ եթէ խմես— կը լաւանաս:

Օ Չ Ա Հ Ա Ր Ի Դ Է Մ

- 1) Գաղաթիկուօը ծեծիր վրան դիր.
- 2) պանիրը քսցախով տրորիր և վրան դիր,
- 3) Պատուտակը ծեծիր և դիր վրան և 4) խնձորի տերևը ծեծիր և երեք անգամ վրան դիր:

Ո Չ Լ Ի Դ Է Մ

Վերցրու Սպանդի հունդը 1 գրամ. աղս և խառնիր պախրի ճրագւի հետ ու օծիր մարմինդ: Կամ թթու նուան կեղևը և խնկի փոշին ձէթով եռացրու և օծիր մարմինդ տաբէնը երկու անգամ: Առ 1 գրամ. Ժիպակ բիշ թրով շաղախիր հինայի հետ, 19րու մի փոքրիկ տապրակի մէջ և վզիցդ կախիր, կամ ծոցումդ պահիր, ոչինքերը բոլորովին կանխարտանան:

Ծ Ա Ռ Ե Ր Ի Ո Ր Դ Ե Ր Ի Դ Է Մ .

Ծծումբը ծխիր, կամ ծծումբը թրջիր
և միացրու ջրի հետ, ապա ցանիր որտեղ
կուզես—բոլորը կսատակեն և կը ոչնչանան:

Ղ Ո Ի Ի Դ Է Մ

Տատասկի ջուրը առ և կտաւը ներկիր
վրադ առ կամ տակդ ձգիր լուերը չեն մօ-
տենալ: Կամ ընկուզենու տերևները փոխր
անկողնիդ մէջ անմիջապէս լւերը կը հե-
ռանան:

ԱՅԼ ԹԵԹԵԻԱԿԻ ԴԱՂՏՆԻՔՆԵՐ

Ա. Ով որ վարդենու արմատը իր մօտ
պահի, օձի կծելուց ազատ կը լինի:

Բ. Եթէ մէկին կատաղած շունը կծի,
թթենու տերև ծեծիր և կծածի վրա դիր:

Գ. Եթէ մէկը թունաւորւել է, տատասկը
ծեծիր և ջուրը խմացրու:

Դ. Կարիճը չորացրած, փոշի արած,
կարիճի կծածի դեղ է:

Ե. Վերցրու կարիճը կենդանի դցիր մի
փոքր շի մէջ և վրան ածա ձիթապողի
ձէթ որբան որ այս ձէթը հնանայ—այն-
բայն աւելի բուժիչ կլինի կարիճի կծածի
դէմ:

Զ. Եթէ մէկին օձը, կամ ուրիշ թու-
նաւոր կենդանի կծի, վերցրու կրակի մի
կտոր բանիր կծած տեղի վրայ մինչև որ
թոյնը մի տեղ ժողովի, որը ուռչելով էր
պատուի և ժահրը դուրս գալով թունաւոր-
ւածը կ'զատուի:

Է. Դարձեալ եթէ որևէ մէկին թու-
նաւոր զեռունները կծեն, վերցրու թորթիկ
խոտը կամ նրա ծաղիկը և կամ արմատը,
որն էլ պատրաստի կը գանւի ծեծիր և դիր
խայթած տեղի վրայ, որը անմիջապէս ժահ-
րը քաշելով դուրս կը թափէ. սա կոչուում
է մեղրածծուկ, որի ծաղիկը մեզուն շատ
է սիրում և ժողովում:

Ը. Ծոթրինը քացախով եփիր, բե-
րանդ առ և մանանեխը ծեծիր ու գլխիդ
քսիր մոռացկոտութիւնդ կը տանի:

Թ. Եթէ կամենում ես անծնելութեան
(չբերութեան, ամլութեան) պատճառն ի-
մանալ արձն է թէ էզը, վերցրու երկուսի
էլ մէզը առանձին—առանձին ամանների մէջ
և նրանց մէջն ածա մի փոքր թեփ. 9 օր
ծածկած պահիր, ապա բաց արա և տես,
որ ամանի մէջ կը գանւի ժժուկը—ամլու-
թեան պատճառը նա է:

Ճ. Եթէ ցանկանում ես, որ ամբողջ
սենեակը խաղող երևայ, առ մէկ շիշ, ձէթի
իւղով լցրու և երբ խաղողը ծաղիկ է մէկ
ոխկոյզ (որ կտրւած չլինի իր որթից) դիր

չէ մէջ: Շիշը կապիր որթից ամուր և թող մինչև խաղողաքաղը. յետոյ քաղիր խաղողը. այդ ձէթն ածա ճրագի մէջ և վառիր. ամբողջ սենեակը խաղողալից կերևայ:

Մ Ա Չ Չ Բ Ո Ւ Ս Ն Ե Լ Ո Ւ Դ Է Մ

1. Ագռաւի ճրագուն ուր որ քսես մազ չի բուսնիլ. 2. Աղաւնու լեղին որտեղ էլ քսես մազ չի բուսնիլ. 3. շան կաթը ուր որ էլ քսես մազ չի բուսնիլ: 4. էծի լեղին նշաղրով շաղախած ուր որ քսես մազ չի բուսնիլ: 5. Կառւի չորացրած աղբը փոշիարա, մաղիր, թունդ քացախի հետ շաղախիր մինչև որ թանձրանայ և եթէ սրանով քսես մազերդ երբէք չի բուսնիլ:

Մ Ա Չ Բ Ո Ւ Ս Ն Ե Լ Ո Ւ Հ Ա Մ Ա Ր

1. Եւզանն եփիր կաթով, քսիր կամ լայ ուր որ կամին մազ կբուսնի: 2. Հագի կամ խոզի իւղը որտեղ էլ քսես մազ կբուսնի:

ԿԱՅՆՈՎ ԿԱՄ ԴԱՆԱԿՈՎ ԿՏՐԱԾԻ ԴԷՄ

Սպիտակ լոբին լաւ չորացնել և ապա մաղել ինչպէս փոշի, յետոյ ցանել կտրած խոցի վրայ այնքան ժամանակ մինչև որ աբիւնը դադարի և առողջանայ:

Ա Ռ Ո Ղ Ջ Ա Պ Ա Հ Ա Կ Ա Ն Մ Տ Ք Ե Ր

1. Երիտասարդութիւնը մի վարդ է, իսկ ծերութիւնը փշեայ պսակ:
2. Հոռաչանքներով դեռ ոչ ոք չի բուժել իր վիշտը:
3. Սակաւակերութիւնը հեռացնում է շատ և շատ հիւանդութիւններ:
4. Համեստ նախաճաշը, երեկոյեան ճաշի ախորժակ է բաց անում:
5. Մաքրութիւնն է առողջութեան պահպանը և աղբիւրը:
6. Ոչ միայն մարմինդ մաքուր պահիր այլ և բնակարանդ:
7. Լաւ է խնամել առողջութիւնը, բան թէ իր հիւանդութիւնը:
8. Քունդ գալուն պէս պառկիր, զարթնելուն պէս հագնւիր, անօթիանալուդ պէս ճաշիր:
9. Եթէ ուզում ես երկար ապրել մաժուն շատ գործ ածայ:
10. Չգուշ եղիր հում բան ուտելուց, բոբիկ ման գալուց և կայուն ջուր խմելուց:
11. Երեկեայ հացը, այսօրեայ միսը մի ամուսայ ալիւրը և մի տարւայ գինին մարդուս առողջ են պահում:
12. Ուրախութիւնը մարդուս կեանքը երկարացնում է, իսկ տխրութիւնը՝ օրերը կարճացնում:

13. Մեծ խնամքով պահիր երիտասարդութեանդ փափուկ, զգայուն և ծաղիկ հասակը մեղքերի խորշակներից, որ երբ հասնի կեանքիդ աշունը, չճաշակես նրա դառը պտուղը:

14. Առողջութիւնն ու ժամանակը հարստութիւնից թանկագին են:

ИИБ № 28420



119-5

ԳԻՆՆ Է 20 ԿՈՊ.

Դիմել Թիֆլիսի քաղաքականներին

ԳՐԲՈՑԿԻՑ ԱՐՏԱՏՊԵԼԸ ԱՐԳԵԼԻԱԾ Է.

2013

239/4

« Ազգային գրադարան



NL0058123

